



# कवाबाहाःया बंशावली



लेखकः

रत्नराज बज्राचार्य


मुकुटादि, गन् ।



स्वाप्न तयम् थाय्  
सगंध्यो, अनुसिमाया न्होने




# कुवावाहाःया वंशावली



लेखकः

रत्नराज बज्जाचार्य

कुवावाहा, यल ।



स्वापू तय्गु थाय्

लगंखयो, माजुसिमाया न्होने

प्रकाशकः

मङ्गलरत्न शाक्य (जेठा)

कुटिवाहाः, नागवाहाः, यल ।

न्हापांगु संस्करणः- ५००

नेपाल संम्बतः- १११३

विक्रम संम्बतः- २०५० भाद्र महिनाया अनाला पुन्ही

मूः- १२/-

पाकूः-

मच्छिन्द्र प्रिन्टिङ्ग प्रेस

इखाछे, आनन्दबहाल, यल ।

फोन ५-२६५०८



## भूमिका

ध्व हिरण्यवर्णं महाविहार (क्वावाहाः) धका ना दना  
चवन । थुकिया सर्वसंघ जुयानं थःवगु बिहारया महत्व मस्यु  
घका कुटिबाहाः, नागवाहाःया श्री मङ्गलरत्न शाक्य (जेठा)  
न्योगुलि जि छगू स्यूथें पुलांग् सफू स्वया च्वयागु खः । थुगु  
सफूति टुटफूट दय्फू । व्वनिपि ज्ञानिजमपिसें क्षमा याना  
बिज्याई दि घैगु आशा दु ।

लेखकः

एतनराज बज्राचार्य

१०५० भाद्र महिनाबा

अनाल पुन्ही

चुकवाहाः, यल ।

(माजुसिमाया न्ह्योने)

## श्री करुणामयया बामालय ध्वजातगु

श्रेयोस्तु सम्बत् १०२३ साले जेष्ठ शुद्धि षष्ठ, सिंठी  
नखः खुन्हु श्री करुणामयया बाय्मोलय् वहया ध्वजा २१२  
तोलाग्यंगु ध्वंजा प्रतिष्ठा यायेत गुभाजू ३२ ह्य आचाजू  
१० ह्य यात पाठ याका ह्यति १।- (छर्का) दरं दक्षिना  
बिया भोजन याकल शुभम् ।

## पञ्चरंगीया पता छागु

वहे साले जाउलाखेले, जुद्ध शम्सेरं ग्वंतः सकलें थःगु  
पटांगिरी मुंका, मूलं सिथयेंकेगु हुकुम जुन । ग्वंतयत् म्हां  
छतका दरं दां बिया छवत । सुनानं छुं घाय् मफुत ।  
मयोंसा ३।- तका ध्येवा दण्ड घका न्यंका छवत । सकलें  
छुं मघासे लिहौं वन ।

## कुलपादाचार्यया संतति

चुक्वाहाःया मणिदेव

तत्पुत्र मंजदेव

तत्पुत्र विश्वदेव

तत्पुत्र कुलदेव

तत्पुत्र कुलदत्त

तत्पुत्र विद्यादत्त

तत्पुत्र लक्ष्मीदत्त

तत्पुत्र जिनदत्त

तत्पुत्र रत्नमान

तत्पुत्र रत्नराज

तत्पुत्र हेमराज

८३९ साले द्वितीय राज्याधिपती जयमहिर्द्रासिह  
देवस्य विजयराज्य ।

श्री कल्याणाय नमः । तबबले प्रयाग पुखुया  
भूतवाण लगेजूया रथे च्वंहा भायोजू छहा सिना च्वन ।  
थुखुन्हुया दिनया कर्म सिधयेका मेहा पलेसा च्वंवल ।  
थुखुन्हु राते हाकनं भायोजू छहा सिना च्वन । थुजागु  
अवस्थास बुझ्जगर्पि, चुकत्ताहाःले वया मणिदेव गुरुजूया  
थाय् वर्योवल । प्रज्ञतया बिचारं स्वगु अवस्थाय् प्यापुखुया  
भूतवाण लगे जुल घका सिंका, थम्हं श्री बिघ्नेश्वर गरेश  
स्थापना याना बिल । थुखुन्हुनिस्ये शान्त जुल । थुहा गरेश  
थोया अद्यापि पश्चिम स्वया बिज्यात । छोपिसालिथाय  
नापं च्वंहा । थ्वया नापं तुं छगः दु । थोक्न्हे मदया वन ।

### चुकवाहाः

श्रेयोस्तु १०५८ माघ पून्हि खुन्हु राते सुवर्ण लेपीत  
दिपंकर हर्ण ।

श्रेयोस्तु २०२६ साल आषाढ शुद्धि अष्टमी मंगलवार  
आवन ७ गते कुलदेवता हर्ण ।

श्रेयोस्तु १०९६ मंशिर महिना बाहाःले दुने बःभु  
सिजयामयः, सिला वर्या वच्च १, घण्ट, तगगु गं हर्ण ।

श्रेयोस्तु ११०४ साले चिभाले च्वंपि रत्न सम्भव  
अमिताभ १ हर्ण ।

श्रेयोस्तु २०४३ साले आषाढ बढि १३ तृयोदशी रात्री  
रत्नपाणी बोधिसत्व. ल्होया अमोष सिद्धि १, ल्होया स्त्री  
पुरुष सालिक हर्ण जुल ।

## लुमंके बहपिंभाजुपिनीगु नां

यल देशे चुरुबाहा या जाहे मनस्य निर्वाण  
जुया बिज्याम्ह श्री मंजुदेव बज्राचार्यज्यू खः ।



यें देशे पुजापाठ याना, बिद्याधरी देवी सेवा  
याना, निह्छीया छछाः सम्हे जक नया जाने  
म्हाम्हा श्री मंजुबज्र बज्राचार्यज्यू खः ।



ॐ नमो श्री गुरु बज्रसत्वाय ॥

आदि न्हापां ॐकार जुया बिज्जाकम्ह श्री गुरु  
बज्रसत्त्व यात नमस्कार

ज्योतिरूप महाबुद्धं,  
गुह्यदेवी निरञ्जनी ।  
अनेक पूर्वकथा वृत्तान्त,  
श्रुत्वा दृष्ट्वा यथा ॥  
नेपालीकानां भूपानां,  
वंशावली प्रलिख्यति ॥

ॐ नमो रत्नत्रयाय ॥ त्रिरत्नयात नमस्कार ॥

परापूर्वकाले निरञ्जन निराकार सत्चित्  
परं ब्रह्म आदि बुद्धं परमेश्वरं सुमेरुपर्वत उत्पत्ति  
याना, श्व सुमेरुया मध्येस हिमालय पर्वत, श्व  
पर्वतया दक्षिण दिशा पाखे जम्बुद्विप जुया च्वन ।

थुगु थासे न्हद छगू दया च्वन । च्यागू (८)  
 गुण अति निर्मल १ नस्वावगु, २ गर्मोबले ख्वांउ,  
 ३ चिकुलाबले लुमुगु, ४ त्वनेबले प्दा यांग्वागु  
 (हलुका), ५ अति सदा दुगु, ६ पथ्य निगु स्वछः  
 यचुगु ८ ।

श्व दहने कर्कोटक आदि आपालं नाग राजा  
 गणपिबासयाना च्वन । हानं अनेक जलजन्तु, ब्यां,  
 न्यां, संखुचा, ग्रहागणपि संयुक्त जुया अति रसरंगनं  
 ह्मिता च्वन । थुगु दहने पर्व-पर्वपति स्वर्गोच्चपि  
 देवतागण वया स्नान कर्म याना च्वनिगु ।

उत्पंतो बन्धुमत्यां नृपतिवर कुले,  
 योविपश्चिवति नाम्ना ॥ यस्याशित  
 सहस्रा न्यमरनर गुरो आयु आशित  
 प्रजानां । येनावाप्तजिनेन्द्र दशवल  
 बलिनो पाटला वृक्ष मूलेः ॥

बन्धुमती धंगु देशे बन्धुमान धंहा महाराजां  
 राज्य भोग याना च्वन । कथनं महारानी बन्धुमती

देवीया पाख्ये पूर्णीमा खुन्हु भिगु नक्षत्र योगवारे  
 कुमार छम्ह जन्म जुल । थ्व बालक यात थव  
 कुलाचारथे जात कर्म याना नामकर्ण विपश्वी  
 धका नाम छुनाब भिनकं प्रतिपल याना तल ।  
 कथनं शुक्ल पक्षया चन्द्रमाथ्ये न्हिन्हि छिया तःधिक  
 जुया दल । खुला दसेलि अन्नप्राशनादि यानाव गुरू  
 पुरोहितपि सलताव पूजा विधियाना, थव थिथि  
 इष्टमित्रपिन्त मेवा मिष्टान भोजनादि याकाव  
 दुःखी, दरिद्रपिन्त दान प्रदान यानाव च्वन । थुगु  
 पुण्यं प्रजालोकपिनी दु ख मदया व सुभिक्ष जुया  
 चोन ।

थनंलि फिखुदेया अवस्था जूसेलि विपश्यन्ती  
 धेम्ह कन्या विवाह याना बिल । थ्व बेलस दिप-  
 श्यति देवी सहितनं आनन्दनं च्वन जुल ।

थथे निर्दोष्यदं दया वसेलि विपश्यवती देवी  
 या पाख्ये कुमार छम्ह जन्म जुल । थ्व कुमार  
 यातनं जातकर्म व नामकर्णयाना महामती धका  
 नां छुना भिनकं प्रतिपाल यानाव तल । थनंलि  
 विपश्वी राजकुमारया थव पुत्रया खा स्वया,  
 आवजा कुल थीर जुल धका मती चित्तयाना

छन्हुया दिने तपोवन बिज्याना समाधि योगयाना  
 बिज्यात । थुजागु अवस्थां दक्क मारयात त्याका  
 जिनेन्द्र धंगु बुद्ध पद लाना बिज्यात । विपश्ची  
 तथागत धका लोके प्रख्यात जुल । श्वसपोलया  
 अग्र शिष्य खंदतिह्य भिक्षु अशोक उप भावक,  
 सत्य धर्म बोधिसत्व प्रमुख असंख्य शिष्यापि सहित  
 नं अनेक धर्म व्याख्यान यायां, छन्हुया दिने  
 नेपाल मण्डले पश्चिम पाखे जात मध्ये उत्तमगु  
 पर्वते बिज्याना, पूर्व स्वया, योग समाधि याना  
 पलेपु सकि छगः पुखुली दथ्वी अधिस्थान याना  
 पिना बिज्यात । थुखुन्हु चंद्र गुबल पक्षे पूर्णोमा  
 दिन जुया चवन । श्व वेत्तस शिष्यपिसं बिन्तीयात  
 हे भगवान ! छलपोलं पिनागु पलेपु गुबले चुलि  
 ह्वइगु धका बिन्तीयात ।

श्री भगवानं आज्ञा दयेका बिज्यात । हे  
 शिष्यगणपि ! श्व जि पिनागु पलेपु लिपा  
 दृष्टि १००० ह दुगु पलेस्वां ह्वई धका आज्ञा  
 दयेका यनं प्रस्थान याना लिहां बिज्यात ।

थुगु जातमात्रोच पर्वते बिज्यागु थानस  
 चंत्य छगः दयेका तगु दु । चंद्र पून्ही खुन्हु मेला  
 जुया चवन ।



थौया अद्यापि दनी । थुगु चैत्य दर्शन य.नागु पुण्य  
 वाप दक्क नाश ज्वोगु जुल । थुम्ह विपश्वी तथा-  
 गत चय्द (८०) दै बर्य तक धमं व्याख्य.न याना  
 छन्हुया दिने निर्वाण जुया बिज्यात ।

आदौ सत्ययुग प्रमाण १७२८०००  
 वंशे पृथ्वीस्वराणां महतिपुरवरे येप्र  
 जातो रूणाख्या वर्षाणामा युराशित  
 सकल गुणनीधे यस्य सप्तायु तानां  
 संप्राप्तोयेन बोधि सरहित पटुतो  
 पुण्डरीकस्य मुले ॥

थनलि अरूणारख्य धंगु देशे अरूण धैम्ह  
 राजा राज्य भोगयाना चवन । छन्हुया दिने न्याय  
 नीति धर्मया प्रभावं प्रभावती रानीया गर्भ  
 कुमार छम्ह जन्म जुल । राजा प्रजा सकल अति  
 हर्षमान नं मावको कर्मकाण्डयाना, शिखीनाम  
 कर्णयानाव प्रतिपाल याना तल । कथनं तइधिक  
 जुयाव चतुषष्ठी करामनं सन्पूर्ण जुसेलि

जौ नय अबस्थास सुलक्षण संयुक्तम्ह दन्या  
 शिखी मालिनी बिवाहयानाव थव कुलाचारथे  
 गुरू पुरोहित इष्टमित्रपि यथायोग्य प्रमाण मेवा  
 मिष्टान्न भोजनादि याकाव आनन्दनं चवन जुल ।  
 कथथे छन्हुया दिनस शुभ लगनस कुमार छम्ह  
 जन्म जुज । श्व कुलाचारथे रत्नधर धःका नाम  
 कर्णयाना व भिनंक प्रतिपाल यानाव तल ।

थन शिखीराजकुमारया मनं कुल थीर  
 जुल धका मती त्वीका छन्हुया दिने तपोधन  
 बिज्यात । पलेस्वाँया छीने आशनयाना पूर्व  
 स्वया योग ध्यान समाधि यना बिज्यात ।  
 समाधि योगया प्रभावं मारदक्कं जितेयाना तथा  
 गत पदल ना आगलं शिष्यगणपिन्त चतुराय  
 सत्य धर्म व्याख्यान याना बिज्यात । अग्र शिष्य  
 अभिसंभव व उपशिष्य क्षेमराज प्रमुख आपालं  
 लोकपि मुंका नेपालयः नैऋत्य कोण थाहाँ  
 बिज्याना, स्वया बिज्यागु बखते दहँया दश्वी  
 द्विछि हः दुगु पलेस्वाँने दश्वी कुछिया प्रमाणं  
 ज्योति छगू दया चवन । श्व खना श्रद्धा पूर्वक  
 ध्यानयाना अस्तुति ब्वना बिज्यात । श्री धर्मधातु

मणीशं करुणा वतारं पञ्चबुद्ध्या दर्शनं लाक जुल ।  
 थुगु प्रकारं प्यत्वाः (१४) श्लोकं ब्वन्ता थवगु शरीर  
 तोता थ्वहे ज्योती रूपयके लिन जुया बिज्यात ।  
 शिश्यपिं सकलं थदवथ देशे लिहां दन । थुगु  
 अवस्था न्हेय्द (७०) दं बर्ष आयु जुल ।

**त्रेतायुग प्रमाण १२९६०००**  
 यः जात नोपमाया पृथुत्तर, यशमा,  
 मन्वय पार्थवाणां आयु षष्ठी, सह-  
 श्रान्यभव, दुरूपते यश्य संवत्सराणां  
 जित्वा क्लेश अश नमतमधिगतं येन  
 शाल स्यमूले ॥

थनंलि शामन्वः देतो सुप्रवंशी राजां राज्य भोग  
 जले याना बिज्यात । थथिगु अन्सरे सुप्रभा-ती  
 देयो रानीया गर्भनं पूर्णो खुन्हु दिने शुभ लगनस  
 कुमार छम्ह जन्म जुल । देशे सकभनं शुमङ्गल  
 जुयावल । थन राजाया मनस अत्यन्त हर्ष यान  
 जुयाव थःवगु पुरोहित सःता माक्व कर्मजात कर्म  
 नामकर्ण शिश्चभुव धकं नाम छुनाव भिनक प्रति-

पाल यानाव तल । कथये समस्त शास्त्र विद्या  
 पारंगत जुस्येलि यौवन अवस्थास शुभ लक्षणी,  
 अति सुन्दरी विश्वभरादेवी कन्या विवाहयाना थव  
 थियो, इष्टमित्र सताः कुलाचारथे भोजनयाका  
 यथायोग्य प्रमाणं गुरु पुरोहितपिन्त दक्षिना ियाव  
 सुखनं चवन ।

थनंलि छन्हुया दिनसं कुमार छम्ह जन्म  
 जुल । कुलाच.रथे जात कर्म यानाव आकाशगर्भ  
 धःकं नाम प्रख्यात यानाव प्रतिपाल याना तल ।  
 थनंलि थःवया ख्वाल स्वया कुलथोर जुल धकाः  
 मतोतया छन्हुया दिने तपोवन बिज्याना धुंसिमाया  
 कवे च्वना योग समाधि याना बिज्यात । मारदक्क  
 हतययाना तथागत पद कथा बिज्यात । थनंलि  
 योग समाधि दना अनेक धर्म व्याख्यान याना पर-  
 यात उपकारय.ना बिज्यात । प्रथमशिष्य, शोन  
 भिक्षु, उपशिष्य, उपशान्त भिक्षु, हानं पर्वतनाम  
 बोधिसत्व प्रमुख आपालं शिष्य भिक्षुगणपि मुंका  
 थान थानान्तेर धर्म चक्र प्रवर्तनयाना, अने कोण  
 थाना बिज्याना श्री स्वयम्भू ज्योतिरूप दर्शन याना  
 लाख दाफोस्वां छाया अस्तुति ब्वना प्रार्थना याना  
 बिज्यात । स्वां छाया इश्वर दर्शन यागुलि फुलोच्च

पर्वत एकं नाम प्रहयान जुया चवन । धुगु वन्वने  
मनुष्यया आयु ६० दृ दे जुया चवन । थनंलि निह्ना  
दिज्याना कालान्तरे निर्वाण जुया विज्यात ।

क्षेमावत्यां प्रजातो, मनु जयतिसमं  
योवती विप्रवंशे, आयु वर्षा युतानी  
प्रभव गुण निधेयस्य वास वलेन  
जिनेद्रयेनलब्धं त्रिभव वधकरं ज्ञान  
खड्ग गिरिषैः ॥ वंदेहसिद्ध कार्य  
सुगत मनुपमं श्री ऋकुछंद संज्ञं ॥

थनंलि त्रेतायुग बछि वस्येलि, क्षेमावती धैगु  
शहरे अग्नीदत्त राजा, विश्वःमणो रानी सहितनं  
न्याय नीति धर्मनं प्रजा प्रति पालन याना चवन ।  
थनंलि शुभ लग्ने राजकुमार जन्म जुल । जन्म  
जुया मात्रनं अति सुभिक्ष शुमङ्गल जुया व राजा  
प्रजा सकलया अति हर्षमान जुया व थव कुला-  
चारथे जातकर्म याना व ऋकुछन्द धकं नामकर्म  
यानाव भिनकं प्रतिपाल यानाव तन ।

यनंलि कथनं शास्त्र, विद्या चतुषष्टी करामत  
 पारंगत जुस्येति जौभन अवस्थास ककुटवती कन्या  
 विवाहयाना बिल. सुखआनन्दनं ज्वन जुन । थनंलि  
 छन्हुया बिने सन्तान जन्म जुल । कुल सन्तानया  
 हवाल स्वयाव मावको कर्म सिद्ध जुस्येति, आव कुल  
 स्थोर बुल घःका मति तथा छन्हुया दिने तपोवन  
 बिज्याना लाखे सिमाक्वय बिज्यात । योग समाधि  
 याना बिज्यात । दक्खो मार जिते याना दना  
 बिज्यात । ऋकुञ्जन्द तथागत नाम प्रसिद्ध बुल ।

युह्य तथागतया प्रथम शिष्य, विधुर द्वीतिय,  
 शंजोव, ३ तृतीय बुद्धिश्च ज्योतिपाल बोधिसत्व  
 प्रमुखनं आपालं शिष्यपि मुंका अनेक दमं व्याख्यान  
 याना, देश देशान्तर चाहूला, पर उपकार याना  
 बिज्यात ।

युगु वखते महाचीने पञ्चशीषं पवंते बिज्याह्य  
 महा मञ्जुश्री गुह्यं ध्यान दृष्टीं स्वगु बखते नेपाले  
 महान्हद दय्वी ज्योतिरूप उत्पति बुया बिज्यागु  
 स्वया यव स्त्री केशनी व उपकेशनी निम्हं जवः  
 खवं तथा सिंहया ह्यस बिज्याना, नेपाल थ्यंक  
 बिज्यात । चन्द्रहास खड्ग ज्वना, ज्योतिरूपः ।

दर्शनयाना पूर्वपति श्रीनाद पर्वते बिज्याना आदि  
 गणेश आराधनायाना, श्री गणेशयात लःया यात  
 स्वके छवत । श्री गणेशं ल या यात स्वया दक्षिण  
 दिशा कोथ्यागु सिद्धका जल बिध्वांतकयात बरदान  
 बिद्या यहाँ बिज्याना श्री गुरुयात, जलया यात  
 कना थवथास लिहाँ बिज्यात ।

थनंलि दक्षिण दिशास बिज्याना कापोत ल  
 पर्वते चन्द्रहास खड्गं जल लःया निकास चाय्का  
 (खोलेयाना) बिज्यात ।



ॐ नमो रत्नत्रयाय नमः ।

## श्री त्रिरत्न, बुद्ध, धर्म, संघयात नमस्कार

भाष्कर वर्ण महाबिहारेसं बिहारेराजितं,  
जितं पूर्वाभिमुख श्रीमान शाक्यसिंह नमाम्यहं ॥

भाष्करदेव जुजुं दयेका बिज्यागु बिहारे  
पूर्व संमुखयाना बिज्याम्ह श्री शाक्यमुनी भगवान  
यात नमस्कार !

परापूर्वकाले त्रेतायुगे पञ्चशीर्ष पवंते  
बिज्याम्ह मञ्जुदेव बिज्याना ज्योतिरूप दर्शनयाना  
नागवास दहं छेवन याना बिज्यात । जलजन्तुपि  
सकलें लः लिसे पिहाँ वन । कर्कोटक नागर/जाया  
परिवारपि सकलें वने त्यंगु बखलै रोकय् याना  
तवदहं दयेका जल ( लः ) भरेयाना नेपाःयागु  
अधिकार बिया सुवर्णमय अन्तपुर दयेका दहंने



बास बिया बिज्यात । थौंया अद्यापि गुरू मञ्जु  
देव यागु बचनर्थे थोरं बिज्यात ।

थनंलि मञ्जु देव आचार्य, थान-थानंतरे  
सोया लःया निकास खोलेयात । ग्हापां कोदुवाल  
तिर्थ, अनंलि कछपालया पर्वत, अननं थाहाँ  
बिज्याना गौरीघाट, अननं च्वय् गोर्ण पर्वत  
जम्मा प्यंगू पर्वत ह्यसिकाप प्रसिद्ध जुल । पूर्नवार  
थानथानांतरे स्वगु बखते पश्चिम दिशा, बलखु  
छर्गल लःलिकूंगु खना अननं छेदनयाना लःयागु  
निकास खोल्थ याना बिज्यात । अननं बिज्याना  
लखका धारा हिांवया च्वंगु खना जल स्नंमन  
समाधि याना बिज्यात । लंखया धारा लीकी धारा  
जुसेलि छे च्वे थ्यंक म्हुना वन । लंज्या फुटि  
फुटि वगु अनेक प्रकार जुया दसेलि थुगु स्थानस  
अवश्य छगू हेतु दं धका एकचित्तं ध्यान याना  
बिज्यात मंगशीर कृष्णपक्ष रात्री मध्यान्हकालस  
दशमी तिथी प्रवेश जुया व अनेक प्रकारं इश्वरपि  
दर्शन लात । थनंलि थव स्त्रीपि निम्ह जवः खवः  
तया गुह्य समाद्धि षोदश उपचारनं पूजा बिधि  
याना बिज्यक जुल । हानं श्री हेबज्ज नैरात्मादेवी

वर्शन याना श्री सम्बरोदय दशमी पर्वकाल तोशि  
दय्का बिज्यात ।

थुगु नेपाले चर्वापि बिहार पति दिशी धका  
पूजा विधी याक जुल । अनंलि ज्योति रूप पद  
पूर्व पाख्ये फय्वया पश्चिम पत्ति गोपुच्छ पर्वते  
लिधना बिज्यात । थुगु स्थानस भिनकं बिचार  
याना पुखु छगु दय्का इश्वर स्थापना यान  
बिज्यात । थ्वसपोल मञ्जुदेव, जिगु कार्य सिधल  
देश दयेकेत बिना राजा मदय्कं मजिल धका मति  
तयाथ्व पर्वतेसंतु निर्वाण जुया थःवगु स्थान पञ्च  
शीर्ष पर्वते लिहां बिज्यात । चीन देशया धर्म्माकर  
राजायात नेपालया खे माक्व कना, नेपाल वना  
देश स्थापना याहुं धका आज्ञा दयेका बिज्यात,  
तथास्तु धका मञ्जुदेवया आज्ञा न्यना थ्व पूजा-  
गर्णपित मुंका नेपाल वने धकं, आपालं धन ज्वना  
प्रस्थान याना वल । ववंकथनं नेपाल थेसॅलि  
उन्नत बास स्थान मदयाव पूर्वपत्ति पांचाल देश  
थेक बिज्यानाव बासयाक जुल । निन्हू, प्यन्हू दया  
वसॅलि धर्म्माकर राजां देश दय्काव थान-थानतर  
पूजागर्णपित बास बिया अनेक उद्योग याका प्रति-

पाल याना हल ।

थनलि त्रेत्रायुगया बछि वसेलि ऋकुछन्द  
बुद्धया पर्याय जुया वसेलि, वसपोलं छन्हुया दिने  
ध्यान दृष्टि स्वगु बखते नेपाल मण्डले श्री ज्योति  
रूप दर्शन यायेगु मति तया थव शिष्य सहितन  
नेपाल बिज्याना स्वयम्भू दर्शन याना शखोच  
पर्वते बिज्याना धर्म देशना याना धर्माकर राजा,  
अभयदण्ड राजा, गुणध्वज ब्राह्मण, क्षेत्री, शुद्र  
चतुर्वर्ण जातयात चुडःकर्म याना, प्रवज्या ब्रत धर्म  
याका बिज्यात । थव शिष्यपिन्त अभिषेक बियेत  
लंछ मदया श्री गुरु बज्रसत्त्व स्मरणयाना उच्चगु,  
उत्तमगु ल्होतस बाक्य ल्हाना बिज्यात । थुगु अब-  
स्थास श्री बज्रसत्त्व गुरुयागु जबया तुती म्हाला  
पतिनं लंछया धारा उत्तपति याना ल्होतं कोचाला  
बागमती उत्पन्न जुया पूर्व स्वसे प्रस्थान याना  
बिज्यात । थवहे जल अभिषेक बिया बिज्यात ।  
थुखुनु निमै नेपाले प्यगः कलशं अभिषेक बियेगु  
चलन दत ।

थुमिगु संबछि थला लखं चुडके छवत । अले

केशावती नदि प्रशिद्ध जुल । दक्षिण स्वसें प्रस्थान  
 जुया बिज्यात । बछि केश थ्वहे पर्वते तया केश  
 चेत्य धकं नामकर्ण याना बिज्यात । थौया अद्यापि  
 तकं दनि । थ्व बागमती नदि गोकर्ण थ्यसेंलि  
 अमोघफल दायिनी संगम जुया पुण्यं तिर्थ व थननं  
 निगूगु तिर्थ बागमती मारदायणी संगम जूगु शान्त  
 तिर्थ, अनंवया बागमती मणीरोहिणी रुद्र धारा  
 संगम शंकर तिर्थ प्रशिद्ध जुल । थुगु थासे पांचाल-  
 देश (पनौती) देशं बज्रपाद वज्राचार्य शतशस्त्र  
 पारंगत जुया बिज्याम्ह छन्हुया रात्री थुगु शंकर  
 तिर्थ मोल्हुया थवनित्य कर्म, जप-पाठ, पूजा  
 सिद्ध याना मृन्मय कलशे थुगु तिर्थ यागु जल भरे  
 याना दक्षिण दिशासं बिज्याना जंगल दथुसं कलश  
 स्थापना याना, पञ्चोपचार पूजायाना बज्रपाणी  
 श्री लोकाेश्वर आह्वान याना समाधि तपस्या याना  
 च्वन । च्वच्वं निःहू प्यन्हू दयादल । थुगु अव-  
 स्थास सुखावती बिज्याह्य श्री आर्यावलोकितेश्वरं  
 ध्यान दृष्टि स्वयान थवः जघे बिज्याह्य बज्रपाणी  
 यात आज्ञा दयेका बिज्यात । हे बज्रपाणी ! छ  
 नेपाल मण्डले बिज्याना बज्रपाद आचार्य यात बर-  
 दान बिया वा धका आज्ञा दयेका बिज्यात ।

थनंलि बज्रपाणी लोकेश्वर आकाश मार्गं बह्मं  
 बिज्याना नेपाल मण्डले बज्रपाद आचार्यया न्होने  
 बिज्यात । बज्रपादया मिखा निपां तिसिना जप  
 सप्ताधियाकग कोटि जपधन (सिधल) । थनं  
 बज्राणि लोकेश्वरं पञ्चरश्मी प्रकाशयाना सुदृष्टि  
 स्वया बिज्यासेलि आचार्यं मिखाकना स्वगु बहते  
 थःवगु न्होने कलशं थाहां बिज्याना च्वंम्ह  
 ईश्वर दर्शनयाना थःवगु शक्त प्रमाणं पूजाभाव  
 भक्तियाना चरणसं भोकपुया च्चन । थनंलि धी  
 बज्राणि लोकेश्वर आचार्यया स्वा स्वया आज्ञा  
 दयेका बिज्यात-भो बज्रपाद ! छं छु कामनां  
 तपस्या, योग समाधि यानागु, छन्तमागु बरदान  
 जिनं बिये धकं आज्ञा दयेका बिज्यात । थनं  
 आचार्यं बिन्ती यात-हे प्रभु ! जि अज्ञानी, अनाथ  
 जुया दशाकुशल पाप जि याना तयागु दु । थ्व  
 पाप दक्कं फुका नरकया भय मदयका बिज्याहुं  
 जित मेगु बरदान छुं नं म्वाल । अन्ते छलपोल-  
 यागु भुवने जित बास लाका बिज्याहुं धका  
 बारम्बार दण्डवत् प्रणामयाव च्चन ।

थनं इश्वरं भबिष्यया खं आज्ञा दयेका

बिज्यात भो बज्रपादाचार्य !

अत्र तीर्थे हिरण्यनाम आखु आगत्वा  
नित्य नित्य स्नानं करोति तन्मूषिक  
बासस्थाने कलियुगसमय बुद्ध मूर्ति  
प्रति स्थापयति ।

भो बज्रपाद आचार्य ! थुगु कथंतिर्थे हिरण्यक  
नाम छुं न्हिथं २ स्नान याः वैतिनी । थ्व छुं  
बास यागु थास कलियुगया बुद्धया मूर्ति स्थापना  
ज्वी तिनी । छं थुगु तिर्थे छनं न्हिथं स्नान, कर्म  
जप, पाठ, पूजायाना च्वं । छन्त मोक्षगती प्राप्ती  
ज्वी धकं आज्ञा दयेका अर्न्तध्यान जुया बिज्यात  
बुखुन्हिसे थुगु कुम्भ तिर्थे लंख प्रवाह जुयाव  
च्वन जुल, थ्वखः कोन्ति । थुलि त्रेतायुगया छं  
जुल ।

थनंलि कनकमुनीया पर्याय जुयावल । श्री  
स्वयम्भू अष्टबैतराग, द्वादशतिर्थ जात्रा नेपाल  
मंडले प्रशिद्ध जुल । देव, भसुर, नाग, यक्ष, मानव  
राजा, प्रजागणपिनी तिर्थ जात्रायाना हर्षमान

जूग जुल । द्वापरयुगे निम्ह बुद्ध उत्पन्न जुया  
बिज्यात ।

काश्यप बुद्ध काशी क्षेत्रे जन्म क्या, बोधि-  
ज न लाना, धर्मचक्र प्रवर्तनयाना ववं २ नेपाल क्षेत्रे  
थ्यंका बिज्याना श्री स्वयम्भू ज्योतिरूप दर्शनयाना  
श्री गुह्येश्वरी पूजाभाद्याना, तिर्थ जात्रायाना  
गौडदेशे बिज्याना प्रचण्ड देव राजायात नेपालया  
बयान कना बिज्याना थवः शिष्यपिन्त चतुरार्य  
सत्य धर्म प्रकाशयाना थानस लिहाँ बिज्याक जुल ।  
थुलि द्वापरयुगया खँ जुल ।

अनंलि कालान्तरस गौड देशे प्रचण्डदेव  
राजां राज्य चलेयाना बिज्यात । थःव पुत्र शक्ति  
देवयात राज्याभिषेक बिया रानी सहितनं तपोदन  
प्रवेशयाक जुल । बने थ्यंका मन चिन्तना यात ।  
थव जङ्गले चवना जि स्वत ज्ञान, बुद्धि  
प्रकाश यायेगु उकिं देश देशान्तरे दना जिन  
ज्ञान दान बिया जगत् हित यायेगु धका  
मत्तितया, अननं देश देशे लोकपित ज्ञान खँकना  
चाचाहुला बिज्यात । ववंववं नेपाल मण्डले थ्यंका

श्री स्वयम्भू ज्योतिरूप, श्री गृहेश्वरी दर्शनयाना  
 पत्रः स्त्री सहितनं अष्टबैतराग द्वादश तिर्थ यात्रा  
 व गोपुच्छ पर्वते, पश्चिम दिगे, श्री मञ्जुदेव  
 निर्वाण जुया बिज्यागु थासे चैत्य सेवायाना श्री  
 मञ्जुदेव दर्शनलाक जुल । थुगु अवसरे गुणाकर  
 आचार्ययाके शिक्षा कयाव प्रब्रज्या दत्त धरेयाना  
 अनेक प्रकार नं पाठपूजा, जप-ध्यान यानाव च्वन ।  
 थनंलि प्रब्रज्या दत्त धर्म पारयानाव, पुनर्द्वार व  
 वज्राचार्य पदकया श्री ज्योतिरूप स्वयम्भू तोक  
 पुयाव प्रतिस्थायाक जुल । थुगु थासे पञ्चपुर  
 स्थापना यानाव नेपाल भूमि रक्षयाय निमित्तिनं  
 ध्वहे पर्वते गुफा छगू दयेका क्वेछि प्रमाणं दुर्गम  
 स्थानसं तपस्या यानाव थीरनं बिज्याक जुल ।

थनंलि कलि समय जुया वसेलि कालान्तरे  
 लुम्बिनी वने, सवार्थसिद्ध राजकुमार जन्मकया  
 गृहस्थीयारूपं बिवाह कर्मयाना जशोयात सन्तानया  
 संक्षिप्त खंकना, न.संचाया प्रहरे तपोवन बिज्याना  
 भारदक्व जित्तयाना, मृगदाबने धर्मचक्र प्रवर्तयाना  
 चाचाहिला जूजुं थःवगु राज दरवारे बिज्यात ।  
 थःवौ शुद्धोदन महाराजा, माता गौत्तमी, स्त्री  
 जशोयारा व पुत्र राहुलभद्र कुमारपिन्त हितयाना



बिज्यात । ताकालं दसेलि अननं लुम्बिनी जात्रा  
याना, देश देशान्तर चाहिला बवंबवं नेपाल पुण्य  
भूमि (क्षेत्र) थ्यंक प्रस्थान याना बिज्यात ।

श्री शाक्यमुनी भगवान नेपाल मण्डले गोपुच्छ  
पर्वते थ्यंका श्री स्वयम्भू दर्शनयाना स्तोत्र, प्रार्थ-  
नायाना थःव शिष्य भिक्षुगणपि मुंका पश्चिम  
दिशा पाख्ये विज्याना अनेक कथा धर्म व्याख्यान  
याना च्वच्चं ताकालं वर्ष विते जुया वसेलि,  
छन्हूया दिने थःव शिष्य भिक्षुगणपि मुंका आश्रम  
वना श्री स्वयम्भू प्रदक्षिनायाना गोपुच्छ पर्वतं  
क्वहां विज्याना पूर्व सम्मुखयाना विज्यात । थुगु  
अवसरे मञ्जुपतन शहरे, न्हापा मञ्जुक्षीया<sup>बिज्यात</sup>सताने  
छम्ह वज्र लेपकमीया पुत्री छम्हस्ये श्री शाक्यमुनी  
विज्यागु खना लैय् दना, बिचारयाना स्वया च्वन ।  
थ्वसपोलयागु, रूप, जोभन, तेजखना अति हर्ष-  
मानयाना स्वया च्वन । श्री भगवान श्री गुह्येश्वरी  
दर्शनयाना नेपाल पुला पनौती थ्यंका अननं नवरा  
पर्वते थेंका विश्रामयाना विज्यात । थनं आनन्द  
भिक्षुयात सःता आज्ञा दयेका विज्यात ।

हे आनन्द भिक्षु ! थ्व चैत्यया उत्तर दिशा

प्वालं द्रुह्वावना (दुनेवना) वता छःग कयाहि धःका  
आज्ञा दयेका विज्यात ।

श्री भगवानया आज्ञा न्यना आनन्द भिक्षुं  
चैत्यया प्वालं द्रुह्वावना सुवर्णया वता कया हया  
श्री भगवानयात लःवल्लाना विल । श्री भगवानं  
श्वहे वता चायेका थःव पूर्व जन्मयागु अस्थि धातु  
दर्शनयाना सकल भिक्षुपितनं दर्शन बिया श्री  
महासत्व राजकुमारया जन्म कथा आज्ञा दयेका  
विज्यात । थ्व खें न्येना सकलें हर्षमान जुया च्वन ।  
थनलि थ्व सुवर्ण वता न्हापाथेंतुं आनन्द भिक्षुयात  
बिया चैत्यया दुने तय्के छ्वत ।

थननं प्रस्थानयाना ववं ववं देशान्तर चाहिला  
बिज्याक जुल । थनंलि कथनं दिन बिते जुया वसेलि  
बज्रकर्माया पुत्री जौभन अवस्था जुसेलि कंन्यादान  
बिल, दछि-निदें दस्येलि, सन्तान छम्ह जन्म जुल ।  
व बालकयात जातकर्मया निह्थं प्रतिपाल यानातल  
थनंलि श्री भगवान कुशीनगरथेंका निर्वाण जुया  
बिज्यात । था भगवान निर्वाण जूगुलि सकल राजा  
प्रजा दुनियागणपिनिशोक संताप ज्वीकाच्वन जुल ।

थुगु बखते गनंहे बुद्ध मूर्ति स्थापना मजुनी ।

थुहलेय कर्मिया पुत्री जीवनया अवस्था जुसेलि, नी  
 बीपिसं पुरुषयात कन्यादान बिया छवत। निदंप्पदं  
 दयवं संतान छम्ह दत। दक्षिदयवं बी स्वर्गीय जुल।  
 मावबक्रियाकर्म सिधय्का थः वपुत्रयात बुषेफुथे नका  
 त्वंका प्रतिवासयाना तल। न्यादं, खुदंया अवस्थां  
 जान, बुद्धि, विद्या सयेकाव हल। छगूछगू ताइमे  
 पासापि मुना अनेक शिल्पकला सय्का सिय्का,  
 अंग लक्षण पुरे ज्वीकथं मखनाबे स्वयं बं संगः  
 पंछि, पशु, जनावर दयेकाव ह्यिता जुल। थव  
 बालक न्हियान्हिं बढ्ये जुयाव वल। थव बालक  
 दछि दयेवं बीह्य स्वर्गीय जुया वन। थव मचायात  
 माह्यसेनं नय्-मनय्यानाव अति कष्टनं काल हनाव  
 च्वन। प्यदं न्यादं दयाव वल। थव मचाया पासापि  
 नाप ह्यिताव च्वन। गुबलें गुबलें चायापि न्ह्यवसा  
 दयेका म्हिता ज्वीगु जुया च्वन। थुगुकथं ह्यिता  
 जुजूं च्यादं, ङिदं दया वसेलि माह्यसें धाल —  
 हे पुत्र ! छं न्ह्याबलें जिवाजन्तु, संग-पंछि थजा  
 थुजापि दय्का छुयाय् ? बुद्ध मूर्ति छगू दयेकी धकं  
 धाल। थवते माया वचन न्यना काय्हासें धाल—  
 भो माता ! बुद्ध मूर्ति छंगु गये छः ? जि मस्यू,  
 कनाम्पु। अले जि दय्का केने धका धाल। ज्यूका  
 दय्की धका धाल। थुखुन्हू श्री भगवान यागु रूप,

ध्यान थःम्हं खंका कना बिल । थ्व मचां खँ श्वीका,  
 थुबुन्हुनिसें पासापि फुकंमुंका चाःन्हाया आरंभयात,  
 प्यन्हु, च्यान्हु दसेलि अङ्गलक्षण बिचारयायां दये  
 कल । ह्याया जा अवधि प्यकुत्या (४॥) हाकगु  
 लक्षणं संयुक्त याना दय्का सिधय्का, मांह्य  
 सःता ह्या वयन । मांह्यसें स्वया धाल- हे पुत्र !  
 छं दय्कुगु छांत, अङ्ग लक्षण फुकं ठीकजू । थुकि  
 प्यंगू लक्षण जक मगाः । छु छु धासा- जि खनाह्य  
 भगवान लेंय् पदचारीयाना बिज्याह्य १, हानं श्री  
 भगवान बिज्याबले धर्म व्याख्यानयाना बिज्यात ।  
 भिक्षुपि जवंखवं तथा बिज्यात ३, तेज चय्पकुत्या  
 जवे खवे, न्ह्योने, लिउने तेज प्रकाशयाना बिज्याम्ह  
 ४, थुलि जक मगाः । मेमेगु लक्षण फुकं संपूर्ण  
 जू । धन्य-धन्य, साधु-साधु छ घका साधुकार  
 याना अति हर्षमान जुया च्वन ।

थन उघिमे स्वर्गे च्वंहा द्विजिगः मिखा दुहा  
 ईन्द्रं सिद्धकावया, थुह्य भगवान मूर्ति उरेयाना  
 संका, नन्दन बगोचासं तथा न्हिथं न्हिथं पूजायाना  
 तस । थुगु मूर्ति थोया अद्यापि थीरं बिज्यात ।

थनलि मां व काय् निम्हं तोले जुया आकाशे

यः स्या च्चन । खने मन्त निराश जुल । थव  
 पुत्रया सदा स्वया घाल- हे पुत्र ! आछुयाम् ?  
 कीर्त दय्का तयाह्य इश्वर ग्रहणयाना यंकल ।  
 हाकनं मेह्य दय्की धका धया निह्यमाचाया नया  
 त्वना सुख सयन जुल ।

सखुंन्हु (कन्हेखुंन्हु) हाकनं पुननिर्माण यायेत  
 पासापि सकलें मुना न्हेखुंनु जूगु घटना कना श्री  
 भगवान मूर्ति दयेका हल । दयेकाहहं जिन्हु निन्हु  
 दयावल । न्हापायेंतुं च्वंक दयेकल । निला  
 प्यना दसेलि श्री भगवान न्हापायेंतुं च्वंला, मच्चंला  
 धका केन । माम्हसें बिच यात ज्यूका । न्हापायेंहे  
 च्वं । ठीक जू ध्याक स्याव स वया मचा-  
 तयेत दुय्य फुय्य नका त्वंका खुशीयाना छवत ।  
 सखुंन्हु जुल जलाखलापिसें सिका स्ववल ।  
 सकस्यां खुखीजुया श्री भगवानया मूर्ति दर्शन याना  
 गुलिसियां स्वांछाया, गुम्हेसियां धुं धुपाय् च्याका  
 हानं नैवद्य मढीचढि, फलफुल, मेवा मिष्टान  
 छाया भाव भक्ति याना च्वन । थुगु कथं न्हिथं  
 न्हिथं लोकपि वया पूजा भाव भक्ति याना च्वच्वं  
 देश देशान्तरयापि समेत वया भाव भक्ति याना  
 च्वन । थुगु बुद्ध मूर्ति बालागु खंल्हासा देशे

थंका प्रचार जुया वन । थुगु अवस्थाय् ल्हासाय्  
 च्वंपिसं सिका, फिम्ह, नोम्ह सेंत वया सोल ।  
 न्यन्यन्यन्य थुगु थास थंका सोगु बखते आपालें  
 लक्षणपुरे जुगु सिइका, थ्व मूर्ति हरण याय्गु  
 मनयाना, थुगु थासे बिचार यात । न्हिन्हि वया  
 थां स्वस्वं प्यन्हु न्धान्हु दस्येर्लि छन्हुया रात्री  
 सकलया न्ह्योवया च्वंगु बखते खुया यंकल । प्रात  
 काल जुया वस्येर्लि न्हापानंदना, नित्यपूजा याय्त  
 वगु अवसरे देव मूर्ति मदया उखे थूखे स्वजुल ।  
 खुया यंकुगु धःका सीका, नुगः मछिका माम्हं व  
 काय्म्ह निम्हसिया, आः छुयाय् ! देव मूर्ति खुया  
 यंकल धःका दुःखताया च्वन । आः अथेमखु हाकनं  
 दयेके माल । आ.जाः गोप्ययाना, क्वातुका तये  
 माल धःका मती तया अष्ट धातुयागु दयेके धकं  
 माक्व सामागी तयार यानाव हल । थुगु बखते  
 जोभनया अवस्था जुया च्वन । अति मनोहर  
 जुयेकं श्री भगवानया मूर्ति दयेका हल । निला  
 प्यला दस्येर्लि सम्पूर्ण ज्या सिधल । मांम्हयात  
 बोना हया केन । मांम्ह खुशीजुया धाल स्वक  
 तक दयेकलनं उथ्ये उथ्ये च्व लक्षण पूर्णजू  
 धःका धया भिनक निदान याना बालक बिचार

दाना भावयाना गोप्ययाना व सेवा याकगु जुल ।  
 कथंथ्ये दिन बिते जुजूं वन । छन्हुया दिनस मांम्ह  
 स्वर्गारोहण जुया, इश्वरया भावभक्ति  
 सुखावती भुवने बासलाक जुल । थन काय्म्ह स्याँ  
 माक्व क्रिया कर्म याना, इश्वरया शरणे च्वं च्वं  
 जौभनया अवस्थास सुलक्षणी कन्या बिवाह  
 यानाव श्री भगवानया सेवा याना च्वन । कथं  
 दिन बितेजुया वस्येँलि कुल सन्तान प्राप्त जुल ।  
 बालकयात जात कर्मयाना, इश्वरया शरणे च्वंच्वं  
 जौभनया अवस्थास सुलक्षणी कन्या बिवाह याना  
 व श्री भगवानया सेवा याना च्वन । कथं दिन बिते  
 जुया वस्येँलि कुल सन्तान प्राप्त जुल । बालकयात  
 जात कर्म याना भिनकं प्रतिपाल यानाव तल ।  
 निदें-प्यदें दयावस्येँलि माक्व सेनेकने यानाव  
 तल । च्यादें, ङिदें दयावस्येँलि पुत्रयात इश्वरयागु  
 पूजा भाव सेना कना, वृद्धा अवस्था मृत्यु जुल ।  
 थुम्हु महात्मा पुरुष विश्वकर्माय अवतार धकलोके  
 प्रख्यात जुल । श्री बुद्ध मूर्ति निर्माणयागु पुण्यमा  
 प्रभावं सुखावती भुवने जन्मकाः वन ।

थनंलि कलियुगया समय, राग, द्वेष, मोह  
 माया इश्वरया भावभक्ति कमजुया वल । नेगु

તોનેગુ પુનેગુલિ લલાચ જુયાબલ । થુગુકથં તાકાલ  
 પર્યન્ત દયાવસેલિ છન્હુ દિને ભૂમિ કષ્પ માન  
 જુયાવ નોરુપિન લ્હાના સિત । છે દક્ક દુના વન  
 ગુલિસિયાં માં વ્રી મન્ત । ગુલિસિયા કલાઃ, કાપ્  
 મ્હાપ્ મન્ત । થુગુ મતિ મતિ દનિપિ મન્તય ના,  
 ત્વનેયા નિમિત્તે જગ્ગાયા જ્યા યાના પિના સયેકા  
 નયેગુ, જ્યુજ્યુયે સનાયાના ચ્વન । થ્વ બુદ્ધ મૂર્તી  
 નં છે ફુક્ક દુના, લ્હાના લોપ જુયા ચ્વન । સ્પૂપિ  
 થકાર્લિપિ ફુકં સિનાવન । મચ્ચા, પિસાતસે સ્પૂગુ  
 મહુત, મજ્જાને લાના અથે થથે છુંમપિયા ચ્વન ।  
 થુગુ અવસ્થા જગાપ્ પિના તવગુ પાકપ્ જુયાબલ ।  
 ચાન્હે છું છુયા યંકી ઘઃકા બુઈ પિવા ચ્વંચ્વન ।  
 અર્ધરાત્રી, બાચા જાગુ વહતે અક્કસ્માત ગં થાના  
 હલ ઘઃકા ઉલ્હે થુલ્હે સ્વજુલ । છુંનં છને મદુ ।  
 ચ્વચ્ચં રાત વિતે જુયા વન । છેવયા નપ્ ત્વને  
 યાના ન્હિન્હિ છે મામાગુ યાના રાત જુયા વસ્થેલિ  
 વજિચાપ્ દ્યો વન <sup>ગીથલિ</sup> ન્હોલં ચાલ । વના સ્વત ।  
 છું છને મદુ । અનર્થ જુલ ઘઃકા યાકચિયા મને  
 હંત્તાત્તાં રાત વિતેજુલ । છેવયા થગુ નિત્યાચાર  
 સિધ્ધયક્કલ । ન્હિમ્હેસિયા જ્યા હેં ફુક્કં સિધ્ધેકા  
 રાતે દ્યો વન ન્હોવલ । બાચાજાઈ ગં થાના હલ  
 આજા થ્વ થાસે વિનિતયે, ન્હિન્હેવયા સ્વયા છકો



नि स्वये । अबश्य छुं हेतु ने धःका तुतां छपू यंका  
 स्वाना बिल । रात विते जुया वस्येलि छे वया  
 नयेत्वने याना थः काय्, म्हाय्, कलापित दक्क खं  
 कना सकले बोनाहया थम्ह चि तयाथाय म्हुया  
 स्वत । म्हुम्हुं म्हुम्हुं वव्य थासे थनेव ध्वाथुल ।  
 तिजक खना स्वत । बुद्ध मूर्ति खनेदत । भिनक  
 म्हुतुम्हुया थःसपाया च्वम्ह थनाबिल । लखंसिला  
 हुया बांलाक सुग्घर सफायाना सकलयात दर्शन  
 बिल सकसिनं फुथ्य पूजाभाव भक्तियाना तल ।

थुगु बखते ललितापुरी महानगरे राजा  
 भाण्कर देव थकुरीजुया च्वन । थव राजयात  
 खबर छवया हल । देव मूर्ति लुगु खवर नेना  
 शयन जुल । थुखुम्हुया रात्री श्री भगवान स्प्ते  
 आज्ञा दयेका बिज्यात । हे राजन ! जि छं गुरु  
 पुरोहित कुलपात बज्राचार्य छवया हया, कायकेह  
 धका आज्ञा दयेका अन्तरध्यान जुया बिज्यात ।  
 थन राजया न्हेलं चाय्का सुख नं च्वन । प्रभात  
 काल जुस्येलि, दुतयात सःता धाल हे दुतजन !  
 छ न्याखाचोके बना, गुरु पुरोहित कुलपादयात  
 निमन्त्रणा याना थय्ये ब्वनाहि धका आज्ञा  
 दयेकल । राजाया आज्ञा नेना, तत्कारण दूतवना  
 गुरु पुरोहित बिज्यात ।

थनं भाष्करदेव थकुरो राजां गुरुयात खनेवं  
नमस्कार याना, आजा दयकल । भो गुरु ! छत्पोल  
बिज्याना श्री भगवान मूर्ति कया हया बिज्याहुं ।  
पूजाया सार्दाम छु छु माल ।, गथे खः ध.का  
न्यना बिज्यात । गुरुं भिगु दिन बेलास्वया माक्व  
सार्दाम कना बिज्यात ।

थनलि विन थेला थ्येसॅलि चॅलक भिक्षु छम्ह  
थ्व शिष्य यात पूजा सार्दाम जोंका शुभलग्न, शुभ  
बेलासं प्रस्थान यानाव बिज्यात । दव्वं  
देवया स्थानस थ्यंका थुखुन्हुया राज्ञीस अधिवासन  
पूजा आरम्भ याना च्छि जागर्तनायाना, सुर्वणया  
कलशे तिर्थलंख, पञ्चरत्न, पञ्चोषधी, पञ्चामृत,  
लाजा, अक्षत, दुर्वाकुण्ड सहित न्याता जाप-पाठ  
पूजा यानाव प्रभातकाल जुस्येलि शुचि स्नानयाना  
निराहारणं पञ्चो प्रचार पूजायाना पञ्चसुत्र  
सहित नं जिवन्यास याना बिज्यात । ईश्वर प्रशन्न  
जुस्येलि थुगु थासनं आकर्षया मन्त्र प्रयोग याना  
व हल । हह्हहं शंखमूल थ्येस्येलि राजायात खबर  
छ्वत । राजा नं सुवर्ण पत्र लायाव, देशे दक्को  
बाजाहया लंसोवत ।

थनंलि शंखमूल तिर्थ पुलावये धुस्येलि जंबुक  
 यात गुरुं आज्ञा दयेका बिज्यात-भोजम्बुकराज  
 थनं उख्ये जिमिगु यल देशे छिपि वयेमज्यु ।  
 स्वस्ति शान्ति यायेमालि । उके छ त्याहां हुं  
 धःका धया बिज्यात । थनं जम्बुक राजां बिन्ती  
 यात-भो गुरुजी । थुम्ह श्री भगवानया सेवा  
 भक्ति छः । जि लिहांवने मखु । श्री भगवान  
 गन बिज्यात, अनहे जि बास याये धका धाल ।  
 थ खे न्येना चेल भिक्षु धाल हे जम्बुक राजा !  
 छ आमथ्ये धायमते । छन्त जि दैय् छको पूजा  
 भाब यावये छ याकनं लिहांहुं धःका धाल । थ्व  
 खे न्येना चित्त बुझेजुया, थव स्थाने लिहांवन ।  
 थौंया अद्यापि मुखनं च्वन जुल ।

थ्व शंखमूल तिर्थ लुंयापत्र ताफु सिद्ध जुया  
 वन । थुकिया निशान ताफुया क्वसं खवे पति  
 शिलामय मूर्ति बुद्ध थौं तक नं दनि । अननं  
 प्रस्थान याना सिधुर जात्रायाना हहंहहं छगु स्थान  
 स लगंख्येलय बिज्याम्ह पीठेश्वरी श्री महालक्ष्मी  
 सिईका, इमाया मूर्ति जुया ब्वयावया कुलपाद  
 बज्राचार्य यागु बज्र वांग्याना आकाशे ब्वया वन  
 श्री भगवान रोक्य जुया बिज्यात थुगु थाय्यथ

नां स्वथ धाई । थुगु अवसरे ६ज्जाचयं आकाशे  
 थ स्वया आकर्षण मन्त्र प्रयोगयाना बिभूति इका,  
 पका, तारण तथा ईमाषागु बवे भूमि किचले  
 साला बिज्यात । थुगु बखते शकुनीरूप महालक्ष्मी  
 बय् पछारे जुवल । थ्वंके च्वंगु काचाक लिक्का  
 थ्वहे बज्जं ववाना छंगु छ्यों तः छ्याना बि । छ  
 सुखः ? गुम्ह खः ? छंगु रूप वयों, मखुसा छन्त  
 बाकि तयेमखु धःका बज्ज म्हुया वयन ।

थुगु बखते श्री महालक्ष्मी रूप जुया आज्ञा  
 दयेका बिज्यात— भो कुलपाद ! थ्व ललितपुर  
 (यल) देश जिगु राज्य, जिके छक हे मन्थोस्येसे  
 छं थुगु ज्या यागुलिं छन्त जि छलेयानागु खः ।  
 छंगु शास्त्र मन्त्र तन्त्र खना जि खुशी जुई धुन ।  
 धन्य धन्य छ खः धकं धया अन्तरध्यान जुया  
 बिज्यात । थुगु थासे मातंगी धंगुनां प्रसिद्ध जुल ।  
 थुगु थासन पश्चिम दिशानं बिज्याका, न्याखाचोक  
 या दथ्वीस बिज्याका न्हिथं न्हिथं त्रिकाय शुद्ध  
 याना, मुथे न्हापानं मोल्हुया नित्य पाठपूजा पञ्चा-  
 मृत क्षीर भोजन चन्हेयाना गंभारसि १०८ सखि  
 व च्याता गं थाना अपरिमिता धारणी व्वना,  
 आरतीयाना, तुतः व्वता, सयन याना बिज्यात ।

थुगु प्रकारं न्हिथं नित्ता पूजा, जप, पाठ, पूजा याना  
 नित्ता-एयला दयेकल । थन राजा भाष्करदेवयानं  
 न्हूगु बिहार दयेका हल । सुथे-न्हिनेस मिहनतयाना  
 याकनं बिहार सिधय्कल । गुरुयात सतके छवत ।  
 राजाया वचने गुरु पुरोहित बिज्यात । हे राजन !  
 छल्पोलया वचने जि थ्यंक वय् धुन । आज्ञा छू ?  
 धकं आज्ञा दयेका बिज्यात । राजा भाष्करदेव  
 गुरुयात आशने बिज्याका नमस्कार याना आज्ञा  
 दयेकल ।

भो गुरु ! छल्पोलं इश्वर कीगु देशे बिज्या-  
 कुगुलिं जि न्हूगु बिहार दयेके धुन । बिहार प्रतिस्था  
 याना इश्वर बिज्याकेत, लगन, साईन स्वया बिज्याहुँ,  
 पूजाया सार्दम कना बिज्याहुँ धःका बिन्ती यात ।

थव गुरुं आज्ञा दयेका बिज्यात- हे राजन !  
 छल्पोलं बिहार दयेका देव स्थापनायाना, सुनां  
 नित्ययाना पूजा याई, न्हि स्वक मोल्हुया प्रहरे प्रहरे  
 गभारसिं दाया अपरिमित धारणी पाठ वचना नियम  
 पूर्वक क्षीर भोजन छाया संन्ध्या तर्पण, दीर्घदान  
 त्रोट्र बोनेमाः । उक्थे छल्पोलपिसं नियम याये  
 फेमखु धःका आज्ञा दयेकल ।

थवते गुरूया आज्ञा न्येना पूनर्वार राजां आता  
 दयेकल- भो गुरू ! जिगु बचन धन खर्च याना ह्ये  
 धुंका आमथ्य खँल्हाना बिज्यये मते । क्षम य ना  
 बिज्याहुँ धका राजां आज्ञा दयेका विज्यात ।

थन गुरूं आज्ञा दयेकल । भो राजन !  
 थवस्पोल यात धन जक खर्चयाना मज्यू । मुल्ये  
 शुद्ध नियम, जप, पाठ, पूजायाना जक खुशी ज्वीह्य  
 इश्वर खः । थुकि छःपिसं जित्तीयाना बिज्याय्मते  
 धःका आज्ञा दयेकल ।

थुलि गुरूया बचन न्येना राजा, मन्त्री, भार-  
 दारपि टोल-टोलया थकालिपि न्ह्योने तथा सल्हा  
 यत । थुगु अवस्था सकल लोकपिसं धाल-भो गुरू ?  
 राजाया हुकुमं हया बिज्य ह्य इश्वर राजा भास्कर  
 याह्य ज्वी । छलपोलयात दक्षिणा व शीलपाउ जक  
 ज्वी, धःका लोक पंचं धया वन । थनलि न्हूगु बिहारे  
 प्रतिष्ठा याना शुभ लग्नसं जज्ञ याना, न्याखा चोक्य्  
 विज्याम्ह भगवान न्हूगु बिहारे प्रतिष्ठा याना व  
 गुरू दक्षिणा, शिलोपाउ विया छ्दत । थुखुन्हुंनसैं  
 भाष्कर देव राजा न्हिथं मोल्हुया चतुर्थ प्रहरे गंभा-  
 रसि दाया ॐ अपरिमिता धारणी पाठ याना न्हिन्ह

नित्य पूजा याना क्षिर भोजन व पंचामृत, फल,  
मुलादि मढी-चढी चन्हे यानाव चवन । प्यन्हू च्यान्हू  
दयावसेलि छन्हूया रात्री श्री भगवानं स्वप्ने धया  
विज्यात ।

हे राजन ! जि थुगु बिहार जे चवने मखु ।  
जितः मेगु विहार दयेकी धःका आज्ञा दयेका अन्त-  
र्धान जुया बिज्यात । राजाया न्हेलं चाय्का अनर्थ  
धःका मती तया चवन । थुखुन्हूया रात्रीस राजा  
यात आज्ञा दयका बिज्यात । त्रासं न्हेलं चाल ।  
मन अंदोलयाना बिज्यात । प्रभात जुस्येलि, नित्य  
पूजा, पाठ सम्पूर्ण सिधयेका शयन जुया बिज्यात ।  
थुखुन्हूनं न्हिन्ह्ये स्वप्ने धया बिज्यात । राजां  
न्यन- हे भगवान ! छलपोल गजागु थासे विज्या-  
य्गु धःका न्यन ।

श्व ललितपुरे कुम्भतोर्ये न्हिन्ह स्नान याना  
बास याइम्ह हिरण्यक नाम छुं चवंगु थ.य्, न्हापा  
त्रेतायुगे मञ्जुश्रीनं काली दहें छवना बिज्याबसे  
निस्ये लंख मसुगु पुखु छगू दु । श्वहे पुखुली दश्वी  
मणो चंत्य छग्व दु । श्वहे पुखुली वरूण व वरूणा-  
वती नाग-नागिनीपि वास याना चवंगु थासे बिहार

दयेकी श्वहे विहारे भौयात छुं लिना यंकीगु, श्व  
 छुं भोखनेवं लितुलिना यंकी जि सदां बास पाये  
 धःका भाजा दयेका अन्तर्ध्यान जुया बिज्यात ।  
 थुखुन्हुया रात्री बिते जुयाव प्रातःकाल जुस्येलि  
 थःव नित्य स्नान कर्म श्री भगवानया पूजापाठ  
 पंचामृतादि क्षीर भोजन सिध्यका गुरु, पुराहित  
 यात निमन्त्रणायाणा, पुनः विहार निर्माणयायेगु  
 दिन बेला स्वया, पुखुली चव्ह्या नाग-नागिनी  
 साधना याणा, पुखु ल्हाना चैत्य संमुख याणा बिहार  
 दयेकाव हल । दय्काहहं लक्षणया प्रमाणं देवालय  
 दय्काव त्रयोदश भुवनया प्रमाणं अजुलि तयाव  
 प्रतिष्ठा याणा हिरण्यक नाम छुं वासयागु निमि-  
 त्तिनं हिरण्यवर्णं महविहार नामकणं दानपति  
 भाष्कर देव जुया निति भाष्कर देव संस्कारित  
 जम्मा संघगणपि ६०० खुसम्ह सर्वसघ सहितनं  
 न्हिन्हासिया मुथे, न्हिन्हे वहनी इश्वरयागु नित्य  
 पूजा पाठयाणा चतुर्थ प्रहरे गभारसि थाना अपर-  
 मिता धारणी ब्वना श्री भगवान सेवा भक्त याकगु  
 जुल । थुपि संरपिन्त जेवाहाः सः धंगु नाम जुल ।  
 थुपि सर्वसंघ छम्हथेछम्ह शास्त्र बिद्या तन्त्र मन्त्र,  
 अनेक शिल्पकला ज्यासःपि स्यूपि जुया थान



थानान्तरे वास याना न्हिन्ह श्री त्रिरत्नया सेवा  
 भक्ति याकगु जुल । थुगु त्रिहारे पून्हा पत्तिक जज्ञ  
 यायेगु, पर्व पर्वपत्ति पूजा वाड यायेत जग्गा जमिन  
 तथा विल श्री योगस्वर आगमदेवया थाय्  
 पून्हि पत्तिक रात्री पूजायाना दश भूमिया इदवर  
 तथागतपि निमन्त्रणा यायेगु गुठी दयका बील ।  
 थुगु पुण्यया प्रभाव नं कुल संतान छह्य दत्त । अति  
 सुन्दर हृष्ट पुष्ट शरीर पुत्रया स्वाः स्वया अति  
 हर्षमान नं गुरु पुरोहित निमन्त्रणा याना जातकर्म  
 नामकर्ण याना थव ईष्टमित्रपित मेवा मिष्टान्न  
 भोजनयाका दान प्रदान याना व हिथं श्री भग-  
 वानया सेवा भक्ति यानांव चोन । थुगु कथं धर्मया  
 प्रभावं नं रोग दुःख मदयाव सुभक्ष जुयाव न्याय  
 निति धर्म नं प्रजा प्रति पाल याना चवन जुल ।  
 चोंचो २ बुद्धावस्था जुया वसेलि थव पुत्रयात  
 म.क्कोसेनेकने यानाव दक्कं ज्ञानगुण विद्या पारगत  
 जुस्यंलि भिम्ह सुलक्षणी सुन्दरी कन्या शुभ लग्नसं  
 विवाह यानाव विल ।

थनंलि छन्हुया दिने मने चित्तना यात । थव  
 संसार अनित्यगु थव शरिर थीर मदु उक्कं राय  
 द्वेष मोहमाया पापया जाल दक्क तोता निर्वाणया

निर्मितिनं प्रवज्या व्रत चले पाय धकं गुरु  
 पुरोहित निमन्त्रणा यांना शुभलग्नसं थमं दयकागु  
 विहारेसं चुडाभक्तं यांना श्री त्रिरत्नया भाव  
 भक्ति पाठ पुजा यांनाव चोन । थनंलि श्रावक  
 प्रत्येकयानं पूर्ण यांना हाकनं महायान चर्या  
 यांना गुरुयाके शिक्षा-दिक्षा सेनासयका श्री योगा-  
 म्बर गुह्य देव देवी पुजा यांना थव पुत्र यात  
 राज्याभिषेक विया निर्वाण जुया दिज्यात । थनंलि  
 युवराजानं थव बुवाया वचनथ्यं न्याय नोति  
 धर्म नं पुजा प्रतिपालया व श्री भगवानयागु सेवा  
 भक्ति भाव यांना पर्व २ पतिकं गुरु पुरोहित  
 निमन्त्रणा यांना भक्ती याकगु जुल ।

थनंलि छन्हुया दिने भक्तपुरे जात्रा जुया, ससले  
 निह्य स्त्री पुरुषं नखत्था बिज्यात । निह्यिया  
 अत्यंत खुसो जुया भक्षा भोजन नय त्वने धुंकल ।  
 दिन बितय् जुया वल । थव ससुर पिता निम्हसिके  
 बिदा पवन । मां-बौ निम्हेसिनं धाल-थौ चछी थनहे  
 दिसं लिबात, कन्हे न्हापनं दना भोजन भपियालिहां  
 बिज्याहुं धका गनाबिज्यात । जिलाजनं वित्तियात  
 भो समुरपिता माता ! कन्हे जिमिगु बिहारे श्रीभग-  
 वानया न्ह्योने यज्ञ होमयांना रात्री श्री योगाम्बर

गुह्यदेव देवीपि पुजाय यगु दिन उक्थं जिपि लिहां  
 मवंस्य मजील धया बिदाकागु जुल । थनं ससुर  
 बौहस्ये धाल- कन्हैयागु पुजा जि छक स्वये  
 ज्यूला धका न्यन- ज्यू । बिदाहुं धका धया निभुह  
 स्त्री पुरुषनं थव देश ललितापुरे थंका रात्री  
 जुस्येलि शयन जुल । प्रातःकाल जुस्येलि थं गुरु  
 पुरोहित निमन्त्रणा दाना ईश्वरया थात मालवव  
 त्रिधि विधान याना श्री योगांवर गुह्यदेव देवीपिगु  
 पुजा प्रारंभ जुल । थुगु अवसरे भक्तपुरया ससुर  
 पिता थं कवल । थव दुष्ट जनया मने मखुगु मति  
 तया विषजोना वल । क्षोर थुया च्वंगु थासेवना  
 सुनानं मखंक विष तया मखुथ्ये च्वंक खंल्ला ना  
 च्वन । म्हाम्हेसिया बौयात सन्मान याना नके  
 त्वकेगु जोरेयाना च्वन । आगमे पुजा संपूर्ण जुस्येलि  
 क्षीर भोजन याकल । दशपारमितां बिचार यान  
 बिज्यात । थव क्षीरे विष दु धंगु ध्यान सियका  
 विष शोधन ज्वीगु श्री महाप्रतिसरादेवीयागु मन्त्रं  
 शोधन याना भोजन याना दिज्यत । भक्तपुरया  
 ससुर पिता भूरे भूरे कना इ ब्वाला ब्वाला वेळा  
 न्वं मवास्य नूझा जुया खतुला च्वन । थन आगमे  
 बिज्यापि दशपारमितापिनी भोजन सिधल । सुहे

मनुत मदया चोन । छे पाहुनाव म्ह मुर्छा जुगुलि  
उख्ये थुख्ये वद्यमाला हया केना जुल छुं लगे मजु  
थन दशपारमिता सियका आज्ञा दयकल हे जज-  
मानपि आमदुष्ट जनयात छुं वास लगे ज्वी मखु ।  
जिमिगु पालीसिला जल त्वंकि उबलेतिनी लनी  
धया अज्ञा दयेका तुति सिला १० फिमहेसिगुं  
जल त्वंकल छीत म्वाय्क दनावया मनं चायका  
दशपारमिता याके छेमा पवना भक्तपुरे त्याहाँ दन ।  
थन ईश्वरपिसं राज राजकुमारयातं सता आज्ञा  
दयकल ।

ओ राजन ! आबं ले जिपि वेमखुतः । छिमिगु  
विहारे सर्व संघे थकालिपि कीहा च्वना पुजाभाव  
यान् च्वं धका धया स्वर्ग भुवने लिहां विज्यात ।  
ईश्वरया वचनथ्ये पवं २ पत्तिकं विहारे थकालि  
कथं दशपारमिताया रूपं थिति चले जुया च्वन ।

थनंलि दशपारमिता ईश्वरं आज्ञा दयका  
विज्यात हे राजन ! आबंलि थ्व विहारे सर्व संघे  
ज्येष्ठपि फिमह दशपारमिता समझे जुया पुजा आज्ञा  
पयकाल दक्कं चलेयापि वने तेल धकं आज्ञा दयका  
स्वर्ग भुवने विज्यात ॥ ॥

## मासो पवासो ब्रतया खँ

( माय्भ्रवसे च्वनेगु ब्रतया खँ )

मध्ये देशे भारवाद धंगु स्थानया राजा सुदत्त  
राजा जुया च्वन । थुह्य राजाया स्त्री महारानी  
पिंगलादेवी धंगु नां जुया च्वन । न्याय, नीति,  
धर्म, प्रजा प्रतिपाल याना च्वक्कं प्यदें च्यादें नं  
सन्तान मदु, अनेक दानधर्म पाठपूजायातनं सन्तान  
मदुगुलि छन्हुया दिने राजां थःव स्त्रीयात धाल -  
हे स्त्री ! छंयाना जिगु कुल नाश ज्वीन ।

कुल नाश यावह्य छ धका बारम्बार न्वात ।

थन रानीनं बिन्तीयात-भो स्वामी ! छुयाय्?  
कीगु कर्म, सकसियां सन्तान दये धुंकल । की जक  
मदुनी । कीसं न्हापाया जन्मे छु पापयाना बल ज्वी  
थौं कीत सन्तान मदु । आछुयाय ! धका नुगः  
मोँछका अफशोच याना, छालाना थुछुगु रात्री  
पिंगला रानीयात स्वप्ने वयन । हे रानी ! छ  
नेपाले वया श्री गुह्येश्वरीया शरणे च्वना, श्री  
त्रिरत्नया सेवा याना च्वं । छन्त सन्तान दईतिनी  
धका इश्वरं स्वप्ने धया बिज्यात । थुगु त्रास न्हेलं  
चाल स्वामीया पौरं ग्याना च्के दुगु धन सम्पती  
खर्च चाको ज्वना नसंचाया प्रहरे सुनानं मखंक

थः एकान्त पिहांवया नेपाल थ्यंक प्रस्थान जुया  
वल । ववंववं नेपाल पुण्य भूमि थ्यन । आकाशं  
निस्ये श्री स्वयम्भू दर्शन याना मनं मनं इश्वर  
याके प्रार्थना यात । हे प्रभु ! जि दुःखी खना  
प्रशन्न जुया विज्याहुँ धकाः वारंवार डण्डवत् प्रणाम  
याना अननं श्री गृहेश्वरी दर्शनयाना दुथ्य फुथ्य  
पूजा भाव याना चवन ।

इश्वर प्रशन्न जुया आज्ञादयेका विज्यात हे भक्ती  
वत्सल । छंगु भाव भक्तिनं जि खुखी ज्वी धुन, आछ  
स्त्री एकान्तनं थन चवने मते । मञ्जु पटन देशे  
(ग्वले) चवना, न्हिछक जलपान याना लछी  
दय्व छक अन्न नया मास उपवास (माय् अवसं  
चवना) धर्मयाः । छन्त राजां कावैतिनी । उगु  
अवस्था छन्त सन्तान प्राप्त जुया ऐश्वर्य बढे ज्वी  
तिनी धका आज्ञा दयेका अन्तर्ध्यान जुया विज्यात ।

थुखुन्हु निस्ये श्रावण शुक्ल पारु खुन्हु न्हिथं  
मोल्हुया इश्वरया जप-ध्यान, पूजा याना जलमात्र  
पान याना, रात्री धूप-दीप च्याका जागंतन यान,  
चवन औसी खुन्हु रात्री चाः चवना भाद्रव शुक्लया  
पारु खुन्हु गुरु, पुरोहितपि सत्ताः जज्ञ होम  
याना अनं छछाः नया हाकनं हाकनं मास उपवास  
व्रत याना चवन जुल ।

थुक्कथं दछि दया वल । राजा सुदत्तया थःव  
 स्त्री लुमना वल । मामा जुल, गनं मदु । खना  
 घापि नं सुनदु । थुगु अवस्था नुगः मछिका महा-  
 रानीया पीरं नेपाल वने धका, नेपाल थेनक प्रस्थान  
 यात, ववं ववं, नेपाल नण्डल थ्येसेलि श्री स्वयम्भू  
 दर्शन याना प्रार्थना यात हे इश्वर । जिह्वा स्त्री  
 पिगलादेवी रानी याकनं नापलाये दयेमा धका श्री  
 स्वयम्भूया जप ध्यान पाठ पूजा प्रदक्षिना याना  
 थुगु थासनं श्री हे वज्र नैरात्मा बेवी दर्शन यायेया  
 निम्ती पूर्व सन्मुख याना विज्याना ववं ववं मंजु  
 पटन देश (ग्वलः) थेन । रानीया नित्यथ्ये  
 पूजाया सामाग्री ज्वना श्री गुह्येश्वरीया स्थानस  
 लें वना च्वन ।

थुगु अवसरे सुदत्त राजां खनेवं काम राग  
 बाह जुया लें वना च्वम्ह रानीयात ल्हा ज्वना  
 च्वन । थुगु बखतस लें क्षेत्र देवतापिसं खना,  
 रानीयात पुरुषं ज्वना तगु खना देवतापिसं राजा  
 यात सास्ती यात । राजा तंम्बय्का, खङ्ग ज्वना  
 युद्ध यात ।

थनं रानीं खना इश्वरपिके क्षमा पवन । बिन्ती  
 यात । हे इश्वर गणपि ! थुम्ह राजा जिहे स्वामी

खः तोता विज्याहुं धका बिन्ती यासैलि इश्वरपिसं  
तोता विल । थन राजा रानी निम्हं भी हे वज्र  
नेरात्मा देवोयागु पूजा पाठ, जप ध्यान तोत्र  
प्रार्थना यासैलि इश्वर प्रशन्न जुया आज्ञा दय्का  
विज्यात हे रानी ! छ र्थनिनिस्स्ये शोभाग्यवती जुया  
थवः स्वामी लिसे थवः देशे लिहांहुं कुल सन्तान  
प्राप्त ज्वी अन्ते सुखावती भुवने वासलायी धकाः  
आशिवाद विया अन्तर्ध्यान जुया बिज्यात ।

इश्वरया वचन न्येना थव च्वना पास मञ्जु  
पटन देशे वया शाक्य भिक्षु गर्णपि सता विहारे  
च्वंम्ह भगवानयात जगा जमिन आइस्ता तथा  
थःव स्वामी सहितनं मारवाव देशे लिहां वन ।

थव देशे थ्यंका न्हिथं भी त्रिरत्नया सेवायाना  
भी हेवज्र नेरात्मा देवोया जपपाठ याना च्वच्वं  
रानीया गर्भनं कुल सन्तान पुत्र छंम्ह दत्त । इश्वर  
या प्रभावनं दुम्ह पुत्रयात थव कुलाचारथे जातकर्म  
नामकर्ण यानाव भिनकं प्रतिपाल यानाव तल ।  
कथनं मांस पूर्ण जुया ब अन्न प्राशन यानाव थःव  
थिति गुरु पुरोहित निमन्त्रणायाना, मेवा मिष्टान्न  
भोजनादियाका अनेक दान धर्मयानाव च्वन जुल ।  
थुगु धर्मया प्रभावं कालान्तरस निर्वाण पवसाना  
उद्धार जुया वन ।



थनंलि कलिया समय पूर्वधा किरातीतस्ये  
 गोकर्णे बासयायां न्हय्गू पुष्टा तक राज्य चलेयात ।  
 अन्त्य पटक्व धयाहा किराती राजा दले वया प्यका  
 ल्ये बर्वार दयेका बास यात । थुह्य राजां थःहं  
 धंथे बयात अथवा सचोनं धाःसा प्राण हथ्या काईम्ह  
 जुया चवन ।

थुगु अवस्था यल देशे च्वंपिनी प्याहांबय्  
 ग्याना ओ शाक्यमुनी भगवानयात नित्यकर्म पुजा  
 भाब, भोजन तुतेयाय् मजिया, ग्याख(चोकया कुल-  
 पाद सन्तान बालक मचायात नित्य कर्म स्नान  
 पूजा पंचामृत क्षीर भोजन समेतं ज्वंका, घण्ट छगो  
 बबछाय्का, खापा छनेत बवे ताचा यंकेत ताचा  
 लल्हाना छवया हल ।

मचाया बिहारे थ्यंका खापा चायेका, ताः  
 खना द्वहांबना स्नान याकेत कलश ज्वना धान-  
 हे भगवन ! स्नान याना बिज्याहुधका हाला च्वन  
 धौछि वन, हाकनं धाल अध्यनं स्नान याना

बिमज्या । सुथयसिया प्रहर बितय ज्बो धुंकल ।  
 मचाया नये पित्यात खोया धाल, अलेतिनी श्री  
 भगवान मुसुमुसु न्हिला लः फयाकया स्नान याना  
 सिन्ह तिना, भोजनयाना विज्यात । थन मचाया  
 हताहासनपुजाया सार्दामंताःचा ज्वना, गॅ क्वखाया  
 खापातिना छें लिहांवल । छें च्वंपि मचाया मां-बौ  
 पिनी मचा आतकं लिहां मवनी, छु जुल, गथ्य  
 जुल धका धन्दाकया इयांलं क्यस्वया च्वन ।  
 मचाया नय् पित्यागुलि व्वांय्वाय् छेंवल । गॅया  
 शब्द ताल । मां बौ पिनी मचा वल धका हर्ष चित्त  
 नं नकेगु तोंकेगु जोरे याना तल । मचायात छें  
 थ्यनेवं नके त्वंके याना थपिनि नव त्वने धुस्यलि  
 मचायाके न्येन हे पुता ! छं देवस्थाने वंगु ताउजाल  
 छाय विस्तार धका न्यन । श्री भगवानं ख्वाहे मस्यु  
 उक्यं बिस्तार जुगु धका खें कन । गथ्ये २ याना  
 वया धका न्यन मचानं कन । हे माता-पिता ! छको  
 धयानं मज्यू, नोक्व धयानं मजिया स्वकगूँल ख्वया  
 च्वना उबलेतिनी जवल्हा पिकया, ल्हासिना म्हुतुं  
 च्वला, ख्वासिला, सिन्हतिना, स्वां छुना क्षीर  
 भोजनयाना विज्यात । उकें लिवात धकाः कन ।  
 मचां घागु खें मां बौ नं पत्यार मया । मचा वोवि

धकाः अनेक खँ तोतल धका सुमुक चवन । न्हि-  
 च्छिया मागु ज्या याना दिन वितेजुल । सखुन्हुनं  
 मचायात थना खवासिका, मोल्हुइका शुद्धगु वस्त्रं  
 पुंका, पुजाम लथल सिंह स्वां, नैवद्य, फलफूल,  
 क्षीर भोजन ज्वंका गें बवखाय्का ताःचा प्वां  
 ज्वंका छ्वत । थुखुन्हुनं मचां श्री भगवानया न्होने  
 च्वना, कलश ज्वना स्नान याना बिज्याहुँ धका  
 हाला चवन । छको धाल मज्यु, निकोधाल मज्यु,  
 स्वकोगु तक धयानं मजिस्येंलि खोया खोया अति  
 नुगः मछिका धाल-अलेतिनी इश्वरं लहा फया लः  
 कया लहा चाया, म्हुतुसिला खवासिला, सिन्हतिना,  
 स्वां छुना भोजन याना विज्यात । थुखुन्हुनं सुय-  
 सिया प्रथम प्रहरजुई धुंकल । उबले यचाय हर्षमान  
 जुया, याकनं पूजाया सार्दाम् ज्वना गें छगः  
 बवखाया, ताचाः प्वाय् ज्वना ब्वाय् ब्वाय् बल ।  
 गं छग तिनी तिनी थावा छेंथ्यंक बल । मां-बौ  
 पिनी मायां मचायाके सार्दामकया मचायात नके  
 त्वंकेयात । षःपिनीनं मयत्वने धुस्येंलि मचायाके  
 न्येन- बाबु ! थौनं लिबागु छाया ? कारण छु धका  
 न्येन ।

म्हिगर्थ्येतुं ईश्वरं खा मस्यु । छको निको

घातले जिहे मज्यू, स्वकीगुलि खवया खवया तिनी  
 सिधयका वया उकें लिबाईगु धका मचां कन ।  
 अथे जूसां कन्हे छको बुखं लहाना स्व । हे भगवान् !  
 श्व यल देशे किराटि लिबुतस्यें राज्य याना च्वन ।  
 थुमिके ब्यामाया मदु । थुमिसं धयाथे च्वंसा जक  
 ज्यु । थुमिसं धंथ्य मयातधासाः मिसा मिजंतयत  
 जोब हणं याईगु, थुमिगु भय मदयेकेत उपाय छु  
 धका न्येना वा धका खें स्यन । ज्यू ज्यू धका मचां  
 धाल । दिन वितय जुया वन । सखुंन्ह मचायात  
 न्हापनं थना मोल्हईका शुद्ध वस्त्रं पुंका माक्को  
 सार्दाम ज्वंका मचा छोया हल । न्हिन्ह्यें मचाया  
 थःगुताले हाला चोनि, खोई उवलेतिनी श्रीभगवानं  
 भक्त मचायागु पूजा ग्रहण याना बिज्यात । थुगु  
 अवसरे मचां विस्तियात ।

हे भगवान् ! श्व यल देशे पूर्वया किराती  
 राय लिबु पटक्व धंम्हसिनं राज्य चलेयाना च्वन ।  
 थुमिगु भयं मनुष्यपिनी ग्याना नये त्थने पुनेगुलि  
 महा दुःख उक्थें थुपि मदयेकेत छु उपाय दु कना  
 बिज्याहुं धका न्येन । श्व बालख मचायांगु विन्ती  
 खें न्यना श्री भगवान मुसुमुसु न्हिस्ता आज्ञा दयेका  
 बिज्यात ।

हे बालक ! कन्हे छ वयेवले भिगु मूसादुरु  
कुछि ज्वनावा, कन्हेनिस्ये भय मन्त धन्दा काय  
मते धका आज्ञा दयका विज्यात ।

थुलि खें न्यना मचाया माक्को कर्मकाण्ड  
सिधयेका छें लिहां वल । मचायात नकेतबंकेयाना  
खें न्येन । ईश्वरया वचनथ्ये खंकन । कन्हेयात  
दुरुया निमित्ते गोथलायात दुरु तयेगु कुलि बि  
यंकल । थुखुन्हुया दिन वितय जुया वन । नयत्वने  
याना कन्हेखुन्हुयात मने डरकया सयन जुल । जव  
रात बिते जुल । मुथेसिया नसंचाया प्रहरे गोठाला  
या छेंवना, साया दुरुकया दुरुयागु मोल बिया छें  
हया मचायात न्हिथंन्हिथंयातमागु कर्मकाण्ड स्यना  
कना सार्दाम फुककं ज्वंका मचा याकचा छोयाहल ।  
माक्को ज्याखें सिधयेका मचां दुरु कुलि ईश्वरयात  
लल्हाना विल श्री भगवान मंत्रय योगयाना मचा  
यात विल हे बालक छं थव दुरु पूर्वया मू लुखां  
पिने जवेपति प्यकालें या दथ्वी फुके प्वंकि अले  
लिफ स्वयमते ब्वाय्हुं धका आज्ञा दयका विज्यात  
ईश्वरया वचन थव मचाया न्हिथं यायमागु कर्म सि  
धयका लुखां प्याहां बया दुरु फुकं प्वंका विस्युंवन  
थुगु अवस्था केंचिहा बथानं पिहांदया पटक्व

दरवारया अन्तपुरं द्वाहांवना राजा पटक रानीमंत्री  
 भारदार कोटवाल पित थुगु अवस्था अन्तपुरे  
 सकलें द्वाहांवल कुनेनं सखीपिं, नोकरी, चाकरीतेत  
 नं न्यात । थुपिनं प्याहांवल अन्तपुर निस्ये म्हतिं  
 म्हैम्है धायक केंचिहां न्याना पिछ्वया हल । पिनेनं  
 लित्तु लित, पूर्वपत्तिलन वन । मर्वपिं स्वयाचो पित  
 म्हे म्ह रूपं न्याइगु सोगु उक्यं, ले'ले' अपालं  
 हां न्यानासित । यल देशया ईलाका सांजघाखाथ्यं  
 वले ८०० च्यास वचय जुया पुर्वपत्ति किराती  
 राय लिम्बु थःगु देशे विस्युंवन । थुखुन्हुनिसें यल  
 देशे परचक्र भयमंतः उक्यं थुगु विहारे वालक मचा  
 किनिदै (वर्ष) तकया दापाचा जुया चवन, थुगुथिति  
 थौं तकनं दुगु जुल । थुगु दर्वारयात पटक्व धेंगु नां  
 चले जुल । थ्व किराटी राजाया कवसि वंगलसिमा  
 पोना न्हिथं २ पूजा याना तवगु लिपा दर्वार दुना  
 वस्येलि थ्व सिमा आत्तकं म्त्राना चोन तिनी ।

(पटक्व दों)

थुवले निस्यें वाःपाचा सुथे न्हापनं स्नान कर्म  
 मोल्हुया नित्यपूजा सिधयका गंभारसि दायगु १०८  
 अपरिमिता धारणी ब्वनिगु, थ्व मचां मफया  
 तधिम्ह छम्ह पासा चवनेमागु छः । सुथेसिया प्रथम

पहर गंधाना चाहू बने मागु ल्याहां वया गंभार  
 सिदायगु भोजन छायागु, पाल यायेगु मोल्हुईगु १०८  
 अपरिमिता धारणी ब्वनेगु स्वफः ३ जाईबले गंभार  
 सिथायगु अपरिमिता धारणी ब्वनेगु पालं यायेगु  
 मोल्हुईगु संध्याया गंधाना गणचक्रवनेगु ल्याहां वया  
 तोत्र ब्वनेगु दीपदान आरति, अष्ट सुगंध तिकेगु ।  
 छुं कि तयगु वस्त्र तयेगु वलभद्रया न्होने ५ भाग  
 वापाचा मूर्ति १ प्रज्ञापारमिता १ जव पुलिक्कवसं  
 १ भाग श्री भगवानया कवसं १ भाग खव पुलिक्कवसं  
 नागया न्होने १ भाग खापातिना सयन ज्वीगु  
 जुल ।



ॐ नमो कुलिशेश्वराय  
संस्वराय नमस्तुभ्यं द्वाकाराय  
नमस्तुते ।  
चक्रेस्थिताय वीराय चक्र संवरते  
नमः ॥

ॐ नमः श्री बज्रबाराही ।  
मन्त्रमूर्ती जिनेश्वरी अन्यन्त वरदा  
भीमालधु विंदुनिवासिनी ॥  
नत्वां श्री बज्रबाराही सर्वपाप  
प्रमोचनी मारविध्वंसिनी देवी  
बुद्धत्व फलदायिनी ॥

इलाननी दिगी श्री संवर आगं थापन याना  
सर्वसंघ गोष्ठी स्थविरपिनि मासपति अमावासीखुन्दु  
रात्रो विस्थवीरपिनी कुल देवताया जप पाठ पूजा  
याना देव देवीपि साधनयाना दिव्य भोजन याना  
उर्द्धभाग देवलोक यात अर्पण याना हाकनं भोजन



वाकिगु अधोभाग नर्कं चोपित अर्पण याना पुनर्वार  
वाकिगु क्षेत्र व उपक्षेत्रे चोपि कलखे चोपितनं  
आत्मापुरे ज्वीमा धंगु प्रतिज्ञायाना गीताचन याना  
रहस्य पुजा सिधका थःवछें लिहां विज्याईगु थिति  
दयका विज्यात ।

योगाम्बर स्तोत्र

ॐ नमः श्री योगाम्बराय ॥

योगांवरं सदावीरं चक्रमध्य  
सुसंस्थीत ।

नानाज्ञान समुद्भुतं चक्रनाथायते  
नमः ॥

ज्ञान दाकिणी महादेवी सहजातं  
रूपिणी ।

प्रज्ञाज्ञाना स्वरूपात्मा वंदेहंमोक्ष  
दायणी ॥

थनलि वंतातलेया दश पारमिताया रूपं  
किम्ह महास्थविर व चक्रेश्वर सहितनं पून्हि पतोफं

विहारे होम कर्म याना रात्री श्री योगाम्बर ज्ञाने-  
 श्वरी आदीं सकल देव देवीपित आवाहन याना  
 गोतार्चन याना षटरस भोजन याना थव छें  
 विज्याईगु जुल ।

श्रेयोइस्य संवत् ७६७ साले यल देशे श्री  
 सिद्धिनरसिंह महाराजां श्री कृष्णदेव स्थापना यायेत  
 काशि सहरयापि विद्वान पण्डित ब्राम्हण २१ नीः  
 छम्ह निमन्त्रणायांना शुभलग्नसं कोत्याहुति यज्ञ  
 होम आरंभयाक जुल । न्हिथं अनेक स्वां, सिन्ह,  
 धुप दीप नैवद्य फलफुल पंचामृत संयुक्त होम याना  
 बान्ही जाईवले पालन याना चोन । जज्ञ दयका  
 त.वगु कचि अःपावाःही लिपा जाःववले छुं म्वाक  
 दुनावल । सखुनु हाकनं दन्ता हल । नित्य, जप,  
 पाठ पुजा, जज्ञ जागाबि याना वाःहीलिसु ब्राम्हण  
 सकसियां पालन याकगु जुल । हाकनं छुं नं म्वाक  
 दुनावल ।

थ्वहे रितं न्हिन्हंहु बुना वंगुलि जज्ञ जायके  
 मफत । थ्ववेलंस काशियापि ब्राह्मण गणपिनि मने  
 अंदोलजुया राजा सिद्धिनरसिंहया न्होनेवना विन्ति  
 यात हे महाराज छलपोलया वचने कोत्याहुति यज्ञ

होम जिमिसं पुरय याय फे मखुत, थ्व ललितपुर  
सहरे आपाल तंत्र मन्त्रजंत्रसिया चोपि विद्वान  
वज्राचार्यपि निमंत्रयाना तारण मन्त्र प्रयोग याना  
थ्व जज्ञहोम पुर्ण याय माली धका विन्ति यात ।  
ब्राह्मणगणपिगु वचन नेना राजा सिद्धिनरसिंहया  
मने त्रासचाया दूतपित सःता भ्राजा दयकल ।  
भो दूत जनपि ! छिपि थथ्ये न्याखाचोके दना  
कुलपादया साखा संतान मणिदेव आचार्य यात  
सःताः व्वनाहि धका होकम जुल । महाराजःया  
होकम न्येना हवस् प्रभु महाराज तथास्तु धका  
नमस्कार याना हतपःत दूतजनपि बना वज्राचार्य  
मणि देवया थांःवना वितियात भो गुरु! महाराजा  
सिद्धिनरसिंहं छलपोलयात निमन्त्रयाना हल थथ्ये  
विज्याहुं धका विन्तियात । थ्व दूतजनपिगु विन्ति  
भाव न्येना गुरु विज्याक जुल ।

मंगले दरवारे विज्याना राजाया थास  
विज्याना आशिर्वाद वियाव विज्यात । राजां  
नमस्कार याना आसने विज्याका विन्ति यात भो  
गुरु छलपोलं कोत्याहुति यज्ञ पूर्णयायत विघ्न उपद्रव  
दक्क शान्त यायेत थातंथाय् तारण मन्त्र जन्त्र

शुक्लभया चन्द्रमार्थे दढे जुयाव बल । खुला  
 दया वस्येलि भिगु दिन स्वया अनप्राशन याक  
 जुल । थव वालक अनजा छतः नंगु मछु मेमेगु  
 फलफुल पक्कान मढिचढि धो दुरू नया न्हिथं २  
 म्हिता जुयावोन । रोग दुःख छुमदु थनलि न्याबें  
 या वखत जुया वस्येलि भिगु दिने थव पुरुषा कुल  
 पाद आचार्य विज्याका थापना जूगु भाष्कर देव  
 संस्कारित हिरण्य वर्ण महाविहार (व्याःबाहा)  
 यंका कुडाकर्मयाना वज्रच र्यपद दिया अनेक शास्त्र  
 विद्या तन्त्रमन्त्र शिक्षादिक्षाविया विज्यात थव मचा  
 यात छरु जक कनेव स्थनेवगा । उकें थव वालक  
 खना सकल लोकपिनीयः । हानं गणित व जोतिष  
 कोषशास्त्र वैशशास्त्र सकतां सयका हल । पुनर्वा  
 हाकनं द्वितीय पुत्र मंजुराज जन्म जुल । थवत न  
 थव कुलाचारथे विधिपूर्वक जातकर्म नाम कर्ण  
 कुडाकर्म वज्राचार्य भिषेक शास्त्र मन्त्रजन्त्र गणित  
 षट्शास्त्र सेनेकने याना तल । थुगुक्थं पुनर्वा  
 तृतीय पुत्र भारदेव जन्म जुल । हाकनं चतुर्थ  
 पुत्र महामणि पंचम पुत्र सिद्धिमुनी थवते पंचम  
 पुत्र सहित नं चक्र विहारे विज्याना लोकपित  
 उषकार याना च्वंच्वं, मजुदेव जौवनया अवस्थास

मंजुनाथ ध्याम्ह कन्या छम्ह दिवाह यानाव  
 थव थिति ईष्ट मित्रपित भोजनादि याका सुखनं  
 चवन । (करवीर तन्त्र चवया वन) निदण्यदे दया  
 वल मंजुनाथा गर्भनं पुत्र संता दत । विश्व देव  
 धकं नाम कर्ण याना भिनक प्रतिपाल यानाव  
 जजमानपित उ कार यानाव चवन । थव किजापि  
 एम्हेतित नं अनेक शास्त्र विद्या तन्त्र मन्त्र  
 जन्त्र, व्याकरण, जोतिष, गणित, कोष शास्त्र,  
 षट्शास्त्र सेनेकने याना पर उपकार याना  
 विज्यात । थनंलि छन्हुया दिने मणिदेव वज्राचार्य  
 चूढावस्था जुषावसेलि समाधि योगयाना निर्वाण  
 पद लाकजुल । थवेलस छन्हुया दिने मंगः वजारे  
 हप तले प्येका ले चवना विदेशी मनु छम्हस्ये  
 मचा छम्ह सयना छलकपत ईन्द्रजाल याना लाफ  
 पिया, स्ये, स्व, गुण चु, दवव वयना, लोकपित  
 मोहयाना केनाचवन । गुलि २ मनुतय ज्या वनेमा  
 पिनि नं ज्याः मवंस्ये स्वया चवन । गुलि २ मचा  
 तय, आखः व्वंवनेमापिनी आखः व्वं मवस्ये थ्वहे  
 चटक स्वया चवन ।

थुगुकथं आपालं मनुत मुंका भुलेयाना धेवा  
 कया ईन्द्रजाल याना चवन । थनंलि निम्ह २

प्येम्ह नवाते अ.खनि ब्रवने धका गुरु यार्था वन ।  
 गुरुम्ह धाल हेमचात ! थौं छिपि दगु लिवात मन  
 वना वया धका न्येन । मचातस्ये धाल भो गुरु !  
 थौं मङ्गबजारे प्यकाले विदेशी मनु छम्हस्ये मचा  
 छम्ह स्याना लाफ पिया स्ये, स्व, नुगचू केना चटक  
 यानाचवन । थनवैपि सकलें स्वया चवन जिपि जक  
 थन नया धका मचातसेकन । हानं मेपि मचातसेनं  
 थथे हे कना क्षमा याता विज्यातुं धका धया चवन ।  
 थन गुरुं आज्ञा दयेका विज्यात । हे मचात ! अथे  
 जूसा छिमितनं अनौथागु चटक स्यनावी । छिमिस  
 धाक छग जोना मंगःहिति लः काहुं अ म विदेशी  
 मनुयागु चटक स्वं मखु छिमिगु चटक स्ववं धका  
 धया विज्यात । मचा तस्ये धाल हे गुरु ! थव ह्व  
 ह्व दुगु धाकले लःचोनि मखु, ज्ञोयावनी धका  
 मचातस्ये धाल । थन गुरुम्हसें आज्ञा दयकल  
 हे मचात ! थुके जि मन्त्र प्रयोग यां धुन, लः ज्वे  
 मखुत हुं हुं याकनं लः कया हौं धका आज्ञा  
 दयका विज्यात ।

थन मचात सकसिनं धाकः छग जोना लःका  
 वनं मंगले हितिगाले व्वहां वना लःफया सकसिनं  
 लल याता त्वाथलं थत हया च्वे थ्यन ॥

सकल लोक जनपिसें खन स्वया ल्यु ल्यु बया  
 चोन प्यकालें हपतले थ्यन मस्यया चटक मस्वस्य  
 लोकजन सकलें मचाते लःकया हःथां स्व वल  
 मदशीया लंज्यः चाल जिगुं चटक थ्व मचातस्यें  
 याना जित हान्यजुल धका मतितया ब्य् च्वंगु धू  
 छुकायका जोना मन्त्रयाना धाकले छ्वाका विल ।  
 फुकं जोया वन मचातय गुरुं वोवि धका ज्ञाना  
 थ्व विदेशीयात वोविया गुरु याथां वया खंकना  
 च्वन । गुलि मचात खोया वल थन गुरुं धया  
 बिज्यात । हे मचात ! छिमि सकसियां आखः  
 ब्वना च्वं, जि तले छक वने धका धया ईमाया  
 पा छपा ज्वना तले थहांवन । पोलच्चे वना  
 ईमाया रूप कया बोयावन । मंगले हपतले प्यका  
 ले च्वंम्ह विदेशी मचा यागु स्वंला पाय् आका-  
 ळाकां बोयावना ज्वना थव छं लिहां बिज्यात ।  
 थव स्त्री यात धाल हे स्त्री ! थन सुं गुम्ह वया  
 जित मावला लगनखेले छोयाहि छनं छंगु  
 पुरुषार्थ याना क्यो धका धया स्वंला थःवगु छें  
 सुचुका लगनखेले माजु सिमायात आकर्षण मन्त्र  
 प्रयोग थाना तुति मूलगु कचा न्ह्या ल्हातं जोना  
 तल । थुगु वखते चिकुला जुया घाय् नेगु मदया

प्रयोगयाना थुगु जज्ञहोम संपूर्ण सिद्धयका विज्याहुं ।  
 छलपोलयात शिलपाउ जिनं विय धका उजं दयका  
 विज्यात । थन राजाया होकम न्येना गुरूं मणिदेव  
 तथास्तु धन्दा कया विज्यायम्वा धका आज्ञा दयका  
 थुखुन्हु रात्रीया समये विघ्नउपद्रव शान्तिया कारणे  
 निशावली पुजायाना थातंथाय् तारण मन्त्र जन्त्र  
 प्रयोगयाना धुप थना विज्यात ।

सर्खुन्हु प्रातसकाल जुया वस्येलि स्नानकर्म  
 नित्याचार पाठ पुजा याना यज्ञहोमस थव  
 मुलाचार्य जुया राजायात जजमानयाना ब्राह्मणपि  
 खनी छम्हेसीत वेदपाठयाका वज्र घंठ जोना श्रद्धा  
 पात्रेधृत पूर्णयाना होमकर्म याक जुल । थुखुन्हुनिस्थें  
 विघ्न छुं मदयाव प्यन्हुहे यज्ञ पूर्णयाना विज्यात ।  
 सिद्धिनरसिंह महाराजाया अति हर्षमान जुया थव  
 मित्र पासावि, थवचित्तिगणपि निमंत्रणाया मेवा  
 मिष्टानं पंचामृत मघिचढि धौः दुरु भोजन याका  
 ब्राह्मणपितनं यथा शक्त दान दक्षिणा वियाव संतुष्ट  
 याक जुल । थनलि मणिदेव आचार्ययात थव न्होने  
 सःता आज्ञा दयकल भो गुरू ! छलपोलया शास्त्र  
 मन्त्र जन्त्र तारणया प्रभाव नं जिगु ज्या सपूर्ण  
 सिधल । आः छलपोल यात जिकेदुगु चिन्ह छता



बिच धया विज्याहुं धका विन्तियात । थन गुरू  
 विचार यात जग्गा काय् धासा बुई ज्याः याना  
 नयमाली गुरूपुरोहित जुया बुँज्याअंगु थिक मजु,  
 बरू जजमानपित उपकार पुजाआजा याना नयेत  
 जजमान दयके, ग्याखाचुके छे मयागुगुया निति  
 अहे ललितपुरे नानदेव राजां द्वापर युगे दयका  
 अंगु चक्रवर्ण महापिहार चुकवाहा छगु वकस पवने  
 धका मतितया विन्तियात तथास्तु थनिनिस्यं छल-  
 योल विज्याना रत्नपानी बोधिस्त्व यात नित्य  
 पूजा याना कुल देवता सेवा याना बिज्याहुं धका  
 तालपत्रे वकस पत्र चवया विल । थुखुन्हुनिरबें  
 राजा या हुकुमे विहारे विज्याना न्हिथं पुजा  
 पाठयाना विज्याना अनेकलोकपित उपकार याना  
 जितापुर (खवना) देशया जजमान पित नं क्रिया  
 कर्मयाना व विज्यात । हानं रोगोपित नाडि स्वया  
 रोग अनुसारं वासयाना उपकार याना चवचवं  
 छन्हुया दिने मंजुश्री या अंश अति जानीम्ह लक्षण  
 संयुक्तम्ह कुल सन्तान छम्ह जन्म जुल । थुम्ह  
 बालख यात जात कर्म व थव कुलाचार थव नाम  
 कर्नयात मंजुदेव धका नां छुना भिनकं प्रति पालन  
 यानाव तल । थुम्ह बालख मंजुदेव कुमार न्हिथं

छांलापि सा, म्ये, फैं, दुगु, दोहं थुमिसं खंना  
 थगु सिमाया हः नःनल । थः जुक एकान्त न  
 विज्यात । मङ्गले चोम्ह विदेशी मनुःया स्वला  
 पाय् मदया थः मचायात स्वाके मफया फसात  
 जुया मने लुलकी, न्हाच मचा ते लःका वगु जि  
 ज्वेका विया उव्ये जित धोका दिल धकामति तया  
 लोकजनपिके न्यन- न्हाच लःकया हर्वापि मचात  
 गनयापि धका न्यन लोकजनपिसें कन हे परदेशो!  
 ईपि मचात चुकबाहाःले गुरुयाथां आखः बोवर्निपि  
 धका कन हे साहु ! जि धासा चुकबाहाः धेगु मस्यु  
 छक केना दिसं धका विन्ति यात । चुकबाहाःले  
 वया स्ववबले गुरुजु मदु । छे द्वाहां वना स्वया  
 स.ता च्वन । तले च्वंम्हसें धया हल कुने मुहां ?  
 न्यन । जिछम्ह विदेशी मनु धका कन, तले च्वंम्हसें  
 धया हल । जि ववाहांवे मज्यु मि दुया च्वना ।  
 आस्यनि धका धाल । कुने च्वंम्हस्ये धालकि  
 जि धासा तचोतं आखिर जुईका वया धका  
 चछ अथ्य जुःसा तलेहे वा जि कना छ्वय् धका सतल ।  
 तले वना स्वगु बखते थःवगु तुति दुया मि दुया  
 च्वंगु छना, अहो आश्चर्य मिसाम्हे थुलि तक  
 पुरुषार्थ केना चोसेंलि थवया पुरुष गुलितक जाम्ह

ज्वी धका मतिताया धाल- गुरुमा गुरु गन  
 बिज्यात ? धका न्यन । गुरुनां धाल हुँकन लगन  
 खेले बिज्याना थौं-कन्हे, चिकुगुली पशुते नेगु मदया  
 प्वा, मजा, उदर्ये गुरु बा या मनंखना पशुतेत नके  
 या निति हुँकन सिमा कचा तेला न्ह्या च्वन ।  
 हुँकन वना नापला हुँ धका पतिचा तप्यंका सुया  
 दक्षिण दिशा पाखे केन यालें स्वगु वखते खन  
 हता २ सनं ववहां वया लगमखेले थ्यंया स्वगु  
 वखते आपलं लसकर मुना पशुतेत नका च्वंथां  
 वया तुतीपाली भोसुना हवया घिन्ति यात, हे  
 गुरु ! जिगु अपराध क्षेमा याना बिज्याहुँ थनिनसें  
 थ्व नेपाले वया छल कपट यावे मखुत धका सत्य  
 बाचा यात । थ्व खं न्यना गुरु धं बिज्यात- हे पर-  
 देशी ! आमथेजूसो थ्व सिमा छ कोतेलाति ज्वनाच्चं  
 थ्व पशुते प्वा मजानी थौंकन्हे चिकुगुलि घांय्नेगु  
 मदया थ्व पशुते प्वा मजानि उवर्ये छं थ्व ज्या या  
 धका धया बिज्यात, थुगु अवस्था थ्व परदेशी या  
 मने आ गथ्य यां, याय्ला धासा थवके शक्ती मकु,  
 मयायला धासा थवत अकँजुल आःछुदा धका  
 बिति यात । हे गुरु ! छल्पोलया वदने जि यांगु  
 जुल धका श्री गुरु आज्ञा धका मति लोका, थ्व

माजुसिमा ल्हातं ज्वना तुति ववतेला तल ।

यन मंजुदेव गुरुजु थवछे चुकवाहाःले थाहा  
विज्यात लोक गणपिनि, थव परवेशीं थव ज्याः  
या फंमखु धका मति ल्बीका स्वया च्वन । गुरुज क  
खने मदयेवं, सिमा थीक न्वया, परवेशी थसपायक  
जू वन । वाथा २ कनाचीन बल्ल २ वना तिजक  
पला छिना चुकवाहाःले गुरुया छे वना पालि भो  
पुया दक्षिणा बिया क्षेमा पवना स्वंलापाय् कया  
मंगले हपतले च्वंम्ह थःव मच'यात स्वलापाय् तया  
म्वाका थःव देशे लिहांवन । थव स्वया धन्य २  
चुकवाहाःया जामन गुरुधका प्रशंसा याना थःवछे  
लिहांवन । थवखे तमामदेशविदेशे जाहेरजुया वन ।  
ओ संवत् ७८६ साले मंजुदेव क्रिया ममुचय च्यगु ।

७७८ श्री निवासया पर्याय

श्री सम्बत् ७९८ मणिदेवया पुत्र विश्वदेव ।  
श्री संवत् ८२६ साले ललितपुरे जयबीर योग,  
नरेन्द्र मल्ल या पर्यायस चुकवाहाःले बुनेनं पिनेनं  
चिकं अःपां, बंसिया दथ्वी च्वंगु चंत्य जिर्णोद्धा  
पायत मुलाचार्य मंजुदेव उपाध्या थःव पुत्र विश्व  
देव च्वना माक्व विधिविधान पुजा याक जुल ,  
दानपति दुःखहर्ण लावत स्त्री विष्णुमति सहितनं  
जज्ञ होम कर्म याकगु जुल शुभं । □



## लेखकया पाखें पिहाँवगु सफूत

- १) मौतनाथ बंशावली
- २) बूंगद्योया रथ यात्रा खें
- ३) चुकबाहाःद्यो पयपाणी जटाधारी लोकेश्वरया महात्म्य
- ४) चुकबाहाःया बंशावली
- ५) बुवाहा प्रज्ञापारमिताया वयान बंशावली
- ६) क्वाबाहाःया बंशावली
- ७) पुत्रवाहःया वर्णराज

अनेक उपकारया जन्त्र कायगु स्थान ललितपुर

लगनखेल माजुसिमान्होने

- १) चन्द्रमहारोषणया तारण जन्त्र
- २) श्री पंचरक्षा देवीया रक्षा जन्त्र
- ३) श्री महाप्रत्यगिरा देवीया जन्त्र
- ४) श्री हारती देवीया बाल रक्षा जन्त्र
- ५) श्री लक्ष्मी देवीया जन्त्र
- ६) श्री आर्यतारा देवीया जन्त्र
- ७) श्री उग्रतारा देवीया जन्त्र
- ८) श्री भीमसेनया जन्त्र
- ९) पसले व्यापारया जन्त्र
- १०) लोक आकर्षण जन्त्र
- ११) पशु- सा, म्येया दुख वड ज्वीगु जन्त्र
- १२) बुद्धसामा वडे ज्वीगु जन्त्र
- १३) छ कलह मज्जीकेगु जन्त्र
- १४) शत्रु निवारण ज्वीगु जन्त्र
- १५) भय मर्दगु जन्त्र
- १६) छ मभिक म्हंगुया जन्त्र

---

याकू: मच्छिन्द्र प्रिन्टिङ्ग प्रेस, इलाछें, बल फोन ५-२६५०८